

CHINESE - JAPANESE LIBRARY  
HARVARD - YENCHING INSTITUTE  
AT HARVARD UNIVERSITY

0512 JAN 1952

T 5350 / 3934

全集目錄

卷之十 附 碑記

義烏忠孝堂記

黃中輔

鎮江功德院記

岳珂

忠簡公墓享堂記

趙善湘

義烏滿心寺祠記

黃潛

重修忠簡公墓記

鄭濟

復忠簡公墓田記

王景

復立忠簡公墓碑記

楊士奇



鎮江壽丘山勅建公祠記

靳貴

義烏光孝觀重建公祠記

劉蒞

義烏宗堂重修公祠記

朱湘

鎮江丹徒學重建公祠記

李長科

重修丹徒忠簡公祠記

鄭一岳

禁杜汚佔公祠記

鮑天鍾

御賜忠簡公祠匾額記

蔡毓茂

重修常熟忠簡公祠記

袁一

忠簡公墓重建忠武堂記

廷綸

宋宗忠簡公全集卷之十

二十一世孫文燦敬修

碑記

忠孝堂碑記

義烏黃中輔槐卿

隆興天子龍飛傳國璽履寶祚德音一霈宇宙煥新  
詔諸郡縣訪孝子忠臣務加旌表以厚人倫嚴祀典  
猗歟休哉可謂急治要矣今尹承流宣化而環境之  
內有孝於親忠於君足以法天下軌後世者固當尊  
榮顯祿仰稱聖意焉義烏漢烏傷縣也唐武德七年

廢綢入婺始改今名山川鬱蒼人物風流孝行卓異  
如顏氏子忠義激切如宗忠簡非惟朝野一時欽重  
雖禽魚蠻貊亦識姓字顏方髫稚事親孝親喪負土  
成隴感鳥啣土口吻皆傷視晉許孜悲號墓側而烏  
獸翔舞過之矣宗當靖康初北騎擾華首奮孤忠捍  
禦河朔敵人畏遁視唐張巡死守睢陽障蔽江淮過  
之矣二公世之相後千餘歲琅琅相映若宮商然自  
爾居家孝衛上忠代不乏人蓋有倡於前也紹興壬  
午臨川晏君來攝是邦勤儉蕙敏革去前弊不淹月

報政郡太守部使者列薦於朝越明年辟正又明年  
春視縣庠榛蕪類詩人子衿之刺慨然嘆曰吾領師  
帥不此務失職矣即日出令鳩工度材一月而裁再  
月而畢易圯以堅增庠以崇赭堊輝映因戒諸生昔  
司業陽城嘗謂凡學者所以學為忠與孝也今之學  
庸可不知古人意要當磨礱淬礪盡為臣子之道此  
邦固人材淵藪屹然為中流砥柱者顏宗而已勉旃  
無負所學因立祠於西廡之偏揭以忠孝使昕夕瞻  
敬觀顏之恭愛思慕若事畚鍤於親塋之側視宗之

嚴毅奮發若嬰賊鋒於孤墉之中平日晚進服膺鄉  
老先生訓告固已想聞風采茲又覩其儀矩相與依  
鄉油然而之心生矣或謂中輔今將刻公之事於金石  
俾子孫無忘非子誰宜為中輔再拜謝曰勞苦幸辱  
教誨不敢以不文辭人之性忠孝均有也孩提知愛  
親馴晦知不忘其君徃徃妻子具孝衰於親爵祿盈  
忠衰於君非忠孝之過也譬如金木金性包水木性  
藏火鍊金則水出鑽木則火生均稟是性在手擴而  
充之耳今取忠孝顯著者列教學宮公之待諸生勤  
且至矣當勉承勸獎意也十室猶有忠信况百里乎  
他時忠孝之風接顏踵宗則公之遺德滋多詎可忘  
所自云

隆興二年甲申十一月初一日記

平甲申十一月一日

重修忠簡宗公功德院記

重修忠簡宗公功德院記

湯陰 岳

珂鄂王裔 總餉

自古國家之丁厄運者雖曰天命哉實亦人為之弗

善有以致之當其將壞也率皆憤憤於上泄泄於下

如波流之東注焉即有遠識之士逆覩其萌而憂之

為之大聲疾呼思以彌縫其闕而匡救其災固無如

伯兮叔兮之衰如充耳何也及其既壞也憤憤者益

憤憤泄泄者益泄泄勢岌岌乎危矣天不忍遽棄成

命復生一二英才以維持之俾其返日於虞淵廻瀾

於溟渤推其精誠所至未始不可以奏膚功而成偉

烈乃任之既不專信之又不篤因而妬之嫉之敗之者遂接踵而起致其功弗克成事弗可就徒竭畢生之力與其事相終始貽後人以憑弔之端為之惋惜歎恨而已矣甚至嬰莫大之禍舉身家性命以殉之而卒無補於其國此詎可略人為而弗咎盡以歸之於天命哉我國家靖康之禍釀於熙寧成於宣和以致生靈塗炭鑿輿播遷大勢已土崩瓦解不復可收拾乃有忠簡宗公者當垂暮之年弗忍君父之危急起而有萬難支之任用仁慈以輯寧黎庶仗忠義以

鼓舞人心運智謀以經營征伐緣其措置得宜規模由是大定麾使百萬義師有如臂指上下一心靡不敵王所愾未幾而都城固矣未幾而國勢張矣未幾而敵人望風遁矣當是時也譬猶儲萬頃之陂以待決穀千鈞之弩而待發所需者高宗赫然一怒爾夫何迎鑿之䟽凡二十四上言之者諄諄聽之者藐藐不殊於以水沃石也由是二聖卒不可還中原卒不可復而公亦憤慨而終矣當公之初受事也先魯大父武穆公方任秉義郎而罹法公一見竒之即授之

以兵使立功自効果大敗金人先武穆公由是顯名於其歿也奉勅同公子穎扶觀歸塋於鎮江之京峴山其後先武穆公功益高位益崇感公知遇之隆而念公不置乃於塋傍花山灣雲臺寺建功德院以祠祀公歲久圯壞適珂以總餉駐節鎮江軍府觀公棲神之所遐想其當年竭智殫力而為之之事皆付之無用蓋不禁為之俯仰歎歎惋惜而長太息也爰命重加修葺部使喬君行簡築僧廬於墓左剏祠堂於龍華寺囑太守趙君善湘移文義烏取公曾孫有德

至潤主守烝嘗以無忘先武穆惓惓於公之意嗚呼公雖功弗成事弗就而身家猶幸無恙也先武穆所遭之時勢既後於公而欲為公之所為人心已渙士氣已隳較公之難不啻十倍既已毅然任之因而奮然為之不意其功垂成而見忌遂貽禍於身家致非常之慘酷也此寧獨珂等為之後裔者悲哀痛悼舉凡六合內含齒戴髮之民未有不聞而傷心者由今以推之後因二聖之不還中原之不復當無不為我國家慨惜矣夫豈可徒諉之曰天命使然哉



嘉定十四年歲次辛巳 月 日記

宗忠簡公享堂記

安懿玉齋

趙善湘

清臣 潤守

夫天之至無極也地之厚至無窮也乃人則以渺  
 然七尺之身參乎至大至尊者而為三才是豈血肉  
 之軀足以配合乎兩間哉蓋由其忠誠堪泣鬼神猷  
 略可經邦國天下而無事則已天下而有事上之則  
 邀天之佑獲人之助而能扶危使安撥亂歸正以成  
 不朽之功次之則逆天之意犯人之忌不計成敗利  
 鈍鞠躬盡瘁以孤行其志而立不刊之節由是天柱  
 賴之以立地維賴之以張君臣之義父子之經賴之

忠正堂世系 卷之十  
以弗墜其所行事昭揭乎宇宙不啻日月之照臨河  
山之流峙蓋終古常存而不毀焉此其所以克配乎  
兩間而堪與至大至厚者相參也如我汴京留守忠  
簡宗公者非其人耶獨是天既生公以支柱我國家  
之顛覆奈何不使之蚤致通顯得時行道以保邦於  
未危致治於未亂而乃自通籍後沉淪下僚韜光掩  
采逾三十載迨乎國勢已危大事已去馴至萬難  
措手之時乃始畀之以磁州任之以軍旅而責之以  
勤王於時公年已六十八迫於義憤弗忍以老辭奮

其孤忠迎敵前進雖與其別部屢戰皆捷而已鞭長  
不及二聖蒙塵矣嚮使有一人協力得遂其據金人  
歸路邀還二帝之謀固不世竒功也而無如汪伯彥  
輩從中沮之致使其獨提一旅孤軍徘徊四顧毫無  
應援付之無可如何徒深浩歎而已暨乎康王即位  
南都用李綱言以公為開封尹俾其綏復舊都其事  
之難為蓋不啻一髮之引千鈞而公弗避也慨然受  
命入於都城以至誠激勵人心而有萬之師立具人  
人爭欲為公効死嚮使高宗皇帝允其迎鑾之請車

駕即日啓行乘忠臣義士朝氣之銳而用之以報讐  
雪耻光復舊業此亦不世竒功也而無如狃偏安之  
逸者憚於犯危難覩其䟽請爭笑以為狂計公之䟽  
凡二十四上而終不見省卒使之鬱憤無聊疽發於  
背齎志而薨此盖由天未厭亂弗欲康靖我國家故  
使公之功垂成而弗克就志見沮而不得伸也雖然  
公則已矣而其所以匡天柱奠地維明君臣之義正  
父子之經者固已長留於天地之間與日月共其明  
河山同其永矣謂猶不可以參兩間而並立乎公之

喪奉勅岳武穆同公子穎扶柩與夫人陳氏合葬於  
丹徒大慈鄉汝山灣之原建功德院於雲臺寺以守  
公墳祠堂又別剏以藏廟像是郡賢宮之祀先賢公  
亦在列前守俞君烈以吏部侍郎集英殿修撰出知  
鎮江軍府即公墓道建所歆祀之堂曰忠武以公有  
危身奉上之忠裕戡定禍亂之武也善湘來守是邦  
展謁公墓弗勝景仰之恩因仰俞君之意而為記之  
如此云

嘉定十四年辛巳 月 日立

嘉安十四年辛巳 月 日立 之鏡而用之以報  
此云

身臨公墓弗親景仰之恩因仰命采之意而齋請之  
武良奉土之忠益堪寶斷之友也其時來者具時  
難軍亦明公墓直也祇煇沐堂以感其德公亦  
亦其後而平命氏以吏治其時其德其德出矣  
公獻所堂又限賦以燕庫新其德其德其德其德  
其封大感德也山對之取事也其德其德其德其德  
其奉德也其德其德其德其德其德其德其德其德

滿心寺忠簡公祠碑記

義烏 黃 潛 晉 鄉 江 夏 公

義烏滿心寺鐘記宋名臣忠簡宗公之文也石毀弗

存已久寺僧曰直曰謚實公七世諸孫直先示寂謚

今以甲乙之傳嗣為住持爰輟其衣盂之資購田若

干晦祠公於西廡探家集得舊記重刻諸石而俾某

誌於下方謹按公諱澤字汝霖世為義烏人元祐六

年進士第調館陶尉歷龍游膠水趙城令政和三年

改官知萊州掖縣差通判登州忤道士之得幸用事

者既丐祠而歸猶坐削奪羈置鎮江因卜居焉經郊

恩叙復監鎮江酒務靖康元年以臺臣薦召對假宗  
正少卿克和議使公奏名不正更其名計議使訖不  
行會選易河北帥守乃擢公直秘閣知磁州河北義  
兵都總管就遷秘閣修撰高宗以親王奉使過磁公  
力止之朝廷即授以兵馬大元帥公為副元帥暨高  
宗正位宸極命公以龍圖閣學士知襄陽府俄徙知  
青州又徙知開封府遂以延康殿學士為東京留守  
兼開封府尹陞資政殿學士身任中原之事時宰忌  
公者從中阻之公以憂憤成疾而薨建炎二年七月


也有旨拜公門下侍郎御營副使而遽以遺表聞詔  
贈觀文殿學士尋賜謚忠簡公階正郎卹典初行上  
用侍從恩數進四官後乃以通議大夫誥其第累加  
至開府議同三司云公墓在鎮江之京峴山西立廟  
於鄉郡從祀於邑庠並著於有司之彙典謚之生上  
距公歿二百餘歲且去家為浮屠而不忘乎賢其賢  
親其親祠事之興又禮之以義起者也某是用序次  
其作始之自并以公官代之槩系焉公平生大節及  
功施於社稷者有傳在國史有遺事行於世茲不書

至正八年戊子十月五日國日七世孫謚立石

其於故之自後以公守外之舉亦與公平主大節

跡其雖隨事之興又野之心亦殊未也禁其國亦

聖公與二百餘歲且去來亦與於西不亦亦亦



重修忠簡公墓碑記

浦江鄭濟  
潭民左春坊

嗚呼宋運至靖康之世王室再造謀國之臣爭土地  
於敵人之手忠簡宗公尹京握兵之日在垂老忍死  
之年不為敵人之強為可懾為視人心之不去為可  
圖義旗一呼轉盜賊為王師百萬之眾悉集麾下羣  
克挫衄叛亡歸正中國北敵之分若可粗安何天之  
生才難為公後繼天方假北祚未欲一裔夏當時  
中外惟知防江守淮為計唯議和之恐後中分之勢  
隨之而定公死不可復生忠魂義魄不返故鄉旅葬

忠武堂集卷之十一  
長江之上雖橫屍地下公之精誠所感英靈所集猶  
可以捍禦強敵宋再立國徧安南服倚長江以為天  
塹者一百五十年是又豈非天意乎公以元祐六年  
進士調館陶尉歷龍游膠水趙城三令政和三年改  
知掖縣差通判登州會朝廷謀夾攻契丹與女真結  
盟海上公慮為禍出言忤得幸用事者羈置鎮江久  
之以郊恩叙復監酒務因卜居焉當時金人將南向  
廷臣列薦假宗正少卿克和議使公以名不正請更  
為計議使俄又以其過於剛方訖不遣會選易河北

帥守乃擢公知磁州河北義兵都總管就遷秘閣修  
撰公至撫懷疲民且戰且守會邢洺趙相四州聯絡  
相應思陵以親王入質北廷過磁公力諫止之既而  
建幕府授兵馬大元帥公為副帥京城受圍日久公  
率義旅轉戰而東尋擢公為徽猷閣待制公屢陳方  
畧勝兵大集而公言不用勤王之師合而復去卒無  
至者二年之間二帝北狩邦昌僭逆及思陵即位南  
京之時公與李綱同入對論國事慷慨流涕言無不  
盡汪黃中阻而不能少留以龍圖閣學士出知襄陽

府上章不輟請亟還舊京上覽奏改知青州及開封  
尹闕李綱奏綏復故都非公不可遂知開封時公已  
年六十九矣及除延康殿學士京城留守兼開封尹  
陞資政殿學士義旅之衆至是有統公威望素著民  
情頓安招集寇兵及於百萬京城四壁各置使領據  
形勢立堅屯二十四所連結河南北陝西京東西諸  
路忠義悉聽節制敵兵尊憚不敢稱名開封內外市  
肆之間物價廉聚漸如承平唯待乘輿還闕使其時  
得公身任中原興復之事戰勝攻克敵兵遠避舊疆

之復指在目中章疏之上至二十有四宰執忌公每  
擱不報義旅失望師徒解體於是北騎長驅中原一  
民寸土皆非宋有宋室不競繫公之存亡公所言習  
兵儀真破江寧控扼之始謀楚人城郢以偏霸割據  
為可鄙者可謂深切著明矣祖宗養士之效得民心  
之深不敵夫佞倖之衆奈之何擇日還京之詔雖下  
及時乘銳之勢已去公之憂憤積而成疾潰疽流血  
倏至易箆遺表之淚未乾渡河之呼已絕古今悲痛  
果人乎果天平乎公子穎居戎幕素得士心都人請繼



父任不可得為杜克判官克反公所為穎爭不從持服而去公諱澤字汝霖婺之義烏人薨於建炎二年戊申秋七月也先魯拜公門下侍郎御營副使而遺表聞詔贈觀文殿學士謚忠簡卹典初行用侍從恩數進四官後以通議大夫誥其策累加開府議同三司立廟於鄉邦崇祀於邑庠有司著為彛典宋太守趙公享堂記云岳武穆扶柩同夫人合葬於丹徒大慈鄉汝山灣之原建功德院於雲臺寺以守公墳祠堂又別剏以藏廟像郡黌宮之祀先賢公亦在列宋

元以來更歷既久墳圯不治寺屋亦移置他處今洪武三十四年公之同里劉侯辰來守茲郡治民禮神報政稱最凡所以樹立名教者知無不為率僚佐召父老揖拜墳下洒掃薦奠覩祠宇之傾移考碑碣之湮沒訪之遺民民不忘求之去僧僧復來推詳按實復其山林伐石重表神道種樹加護封域移文於朝貽書於家俾其子孫重至展省著存孝思歸以先業改建祠宇凡若干楹環墳之山凡六十畝零仍俾寺僧守之俾其子孫著名以隸於籍焉侯之景仰先哲

表章前烈可謂達忠孝之本知政治之原矣嗚呼公之謀國用武死於忠憤而葬江上岳武穆知遇於公將兵敵愾死於仇嫉而葬江南趙忠簡出公後同公謚身都將相死於斥逐而返葬江北所謂身騎箕尾歸天上氣作山河壯本朝者夫人道尚明神道尚幽三公謀國復封疆不能同列於中外不得同信其志後乃共衛社稷於沒身以終宋室三百年之運嗚呼何莫非天也亦何莫非人也公之勲烈赫赫乎振耀於其前公之名義昭昭乎暴白於其後又何其愈久

而愈無窮也嗚呼盛哉侯繕治公墓且將樹麗牲之碑補其闕文以濟亦忝鄉里後學請有所述濟以學識寡陋不敢輒諾侯言至再三濟以成美盛事不敢終辭謹論列而銘之其辭曰  
烈烈宗公大節英風誓以生死與國始終公自為州起應朝聘使節未降遄已改命剛方而斥擠之北區卑騎就道出而守磁民間公來遐邇響應義旅奮起辭直氣勁太原不守兩河貼危磁當其衝敵車四馳親王出質幾蹈虎口扣馬請還公為殿

後王在行間危言涕譌公率義旅履冰渡河先驅  
無援勤王不集公來師闡衆毀構厄民心可恃敵  
心無厭徒彰國弱孰究公言城下行成宗社之耻  
有兵不戰大難不已莫匪王土莫匪王臣二帝北  
狩中原陸沉敵騎衝突無所顧惜橫潰不障乘輿  
不返頷頷都城留守尹京師徒有統戰守有兵播  
別聲猷登翼炎運公實啓之以定國命爰積噐備  
糗糧藁芻以守以戰士為嘯呼黔黎輯柔豪暴震  
懾王畿千里置之衽席人心不去天道不遠中外

戮力興復可期見機乘時身當其責朝無成命公  
有遺策梁木其壞山嶽其摧公不可作三軍慟哀  
明神天游上籲帝所英魂在地下扞邦土長江浩  
浩高冢纍纍天塹之外敵不敢窺生之不淑非公  
之志死之不忘唯公之義長淮大江天限北南京  
口孤塚為生死關時移運遷宗社已屋邦人永思  
不伐宰木劉侯守邦瞻拜幽堂昭夫遺績賁茲永  
藏故鄉後人前代先哲景行仰止執鞭不及新祠  
奕奕穹碑巖巖松阡鬱鬱邦人共瞻公名天壤公

績之偉江流不息何千百祀

洪武三十四年辛巳知鎮江府事前監察御史金華

劉辰立石

*[Faded bleed-through text from the reverse side of the page]*

復忠簡公墓田碑記

松陽王景彰  
景彰學士

古之有盛德大功於世者其祀典恒與天地相終始  
非鬼神實司之盖天理在人心不容泯也是以忠臣  
烈士英風凜凜昭灼今古非惟當時慕之而數千載  
之後能使人感動興發嗟乎生為忠良死為明神理  
之常也予見宋忠簡宗公墓在鎮江京峴山其墓田  
林不乾坤跳踔不遂湮沒若神人扶持之者良可敬  
也嗚呼北騎入中國至靖康之慘極矣宋太祖有天  
下太宗真仁繼之百五十年涵養生息措國勢如泰

山磐石自神宗用王安石國脉潛耗至於徽宗以侈靡促之童貫喪師以啓敵心再犯國都徽欽蒙塵邦昌僭位天理民彝斷喪無幾惟宗公起自義兵都總管留康王於磁州差軍衛南上書勸進高宗即位引兵趨行在帝壯之命知開封府京城留守招集義兵得百餘萬山寨効順復數十萬方尅日大舉而病不可起矣嗟夫宋之再造實公基之公之生死係中原之存亡公在則義兵至一有八十萬公亡則義兵盡散公在則化叛逆為王臣公亡則王臣變為賊矣是

公之生死係宋之輕重其忠義貫日月心胆裂金石志吞逆寇而力不逮回鑿之疏二十四上而國賊中沮之感激而死豈其得已哉使公不死岳飛生存則金之為金未可知也天朝郡守劉公辰蒞政之初見其墓荒蕪不治墓田為寺僧所侵即奮然復其故物勒石紀功凡歸田四十八畝三分二厘四毫地十四畝二分七厘六毫草灘十二畝五分山六十畝七分七厘二毫入官田七畝三分重命子孫守之歲奉祠祀作文序其巔末其規模措置頗詳具云後人復建

碑於祠以紀興復之由以昭劉公之德且來徵文予  
謂非宗忠簡公之忠義不能遺丘壟於三百年之後  
非劉郡守之明昭前烈不能復忠簡公三百年之祀  
雖然是豈人力之可致哉天相之也夫國家之理亂  
係於天而人臣之忠義懸於天劉公此舉非天而何  
故予假天以彰郡守之績以勸世之為政者知所本

永樂六年戊子 月 日 立

復立忠簡公墓碑記

廬陵

楊士奇

文貞公  
大學士

為政在使民知為善而已而非有以勸之民或不知  
為之也故尊德禮賢表孝友褒忠節皆勸民之務也  
宋宗忠簡公其孤忠大節所謂皦然可與日月爭光  
者而竟以譖憂憤死蓋天下後世所共仰慕而悼惜  
之者也然塋於潤無三百年已莽然荒烟塞草之墟  
樵牧往來行道不弔此豈潤之人其心獨有異哉公  
嘗仕於此居於此至感慕德義吾意潤之人必有深  
於天下後世之人者何為獨漠然若是也非由為政

者不達勸民之道雖有公之賢不知敬禮而致民之  
然歟今六七年前金華劉侯伯靜以監察御史出守  
是邦一新政教修舉百廢乃復葺公之祠及治其墓  
塋又經紀其祠田移文於朝貽書於家命公子孫隸  
潤守墓董祀事而躬率博士弟子展禮墓下又刻石  
墓道使過者皆知其為宋忠臣宗公之墓於是潤之  
人始知有忠簡公又知為善者之久而不泯而在已  
不可不勉於善也劉侯為政可謂知所務矣去年與  
劉侯同在史館為余道其事今侯去潤而佐江右大

藩自昔江右孤忠大節如忠簡公尤多而江右之人  
固不為潤之人之漠然也將侯所以加勸之者尚能  
拳拳如治潤之時乎元祐六年進士以對策切直為  
求樂八年庚寅館月流竇擯棄者餘三十年靖康  
罹守磁州時金人入寇長驅逼都城四面勸王之師  
邊巡逗遛莫肯先赴公時奉詔為康王副元帥屢請  
督發而王之親臣汪伯彥黃潛善者沮之弗聽既而  
提孤軍獨進自以忠義招來豪傑所向屢捷然亦  
車勢寡弱諸道莫有助者卒無成功及高宗正位

者不遠勸民之道雖有公之賢不知教德而致民之  
然數今六七年前全華劉侯伯辭以監察御史出京  
是却一新政教修舉百寮乃復耳公之祠及治其墓  
塋又經紀其祠田移文於朝貽書於家命公子孫  
潤守墓董祀事而躬率博士弟子展禮墓下又刻  
來樂人平夷寅知其為忠臣宗公之墓於是祠  
奉奉啖出闕者耕采知為善者之久而不改而在  
固不無聞之入之勤然也詎知祠之廢也昔尚論  
蓋自昔古亦庶忠大節啖忠簡公出多而五木之入

壽丘山忠簡公祠碑記

京江 靳

貴

文僖公  
大學士

嗚呼此有宋社稷臣忠簡宗公之祠堂也公名澤字  
汝霖婺之義烏人登元祐六年進士以對策切直為  
時宰所忌調尉館陶流落擯棄者餘三十年靖康初  
擢守磁州時金人入寇長驅逼都城四面勤王之師  
逡巡逗遛莫肯先赴公時奉詔為康王副元帥屢請  
督發而王之親臣汪伯彥黃潛善者沮之弗聽既而  
提孤軍獨進自以忠義招來豪傑所向屢捷然亦坐  
軍勢寡弱諸道莫有助者卒無成功及高宗正位宸



忠正堂 卷之十  
極公首入對言興復大計流涕慷慨被命留守京城  
外禦強敵屢破其衆內戢巨寇招來者不啻百萬金  
人畏懾自是不敢窺汴公方身任中興之事修立軍  
政丕揚威武以圖中原而復為汪黃所沮凡有奏請  
輒抑不行憂憤成疾而歿蓋公歿而大事去矣此公  
出處之大節也嗚呼公之才康濟之才也公之心鞠  
躬盡瘁死而後已之心也當靖康危迫之日使能用  
公挈兵柄以付之則二聖胡至於北狩當建炎興復  
之始一惟公聽莫或肘掣則南渡胡至於徧安顧乃

厄於權幸賫志以歿由是北馬交驚而國亦隨之殆  
矣若公者所謂社稷之臣非耶夫有臣如此而擯棄  
弗用宋之不競竟誰為之此英雄之士所以為之扼  
腕而痛恨也公嘗羈置吾潤繼復有監酒之命歿且  
葬焉而潤故無廟正德三年江右侍御謝君琛來按  
是邦覽郡乘而嘆曰崇祀先烈國有彝典矧賢者之  
所寓止與其體魄衣冠之所藏而廟不創立於典奚  
稱且是邦東南諸郡之屏障激忠勸良誠不可無祠  
以昭示吾民乃申舉河南楊君璵所奏列公祀典仍

命郡守羅君循經營祠宇府推史君魯董其事相地於壽丘山北暮年告成榜曰宋宗忠簡公祠因舊謚也既而羅與史俱擢去麗牲之石未有文者比日福建林君魁始專使來謁予文予嘗聞之天下之分莫大於君臣而忠義之在人乃人所固有與生俱生不可解於心者莊周氏乃謂君臣之義無所逃於天地之間則似出於強勉不得已而然者此鄒孟氏所謂無君而深誅不聽者也以公觀之當其冒萬死以赴難違衆獨往孰不笑其狂愚而公毅然不顧洎其艱

關情禦震撼四至屹不為動雖易簣之際猶連呼過河者三殉國之忠死而後已是豈要譽為名有所強勉而然者哉古之社稷臣若漢汲黯諸葛孔明唐郭子儀李晟諸賢精忠勁節照耀宇宙以公方之所謂易地皆然者百世之下登公之祠拜公之像豈無聞風而興者乎貴潤人也嘗拜公墓而樂斯祠之有成乃述公平生與忠義之在人者為邦人告且復為迎送神詩二章俾歌以祀公其詞曰  
由台制  
由台制  
由台制  
伐鼓兮坎坎候我公兮山之坂公之來兮駕雲輶

風淅淅兮雨冥冥公夷猶兮入新廟桂檀為楣兮  
辛夷為棹懷故都兮冲冲覽宇宙兮涕焉從豺狼  
在都兮鰲在渚皇不出兮公食無處靡羞潔兮薦  
余誠指北固兮奠中泠公不樂兮我心靡寧  
屢舞畢兮神醉神既醉兮欲返旆公之歸兮朝帝  
宮左朱雀兮右蒼龍荷皇明兮錫純嘏奠江山兮  
永終古施我人兮寧厥居疫癘弗作兮禾黍于于  
我人報稱兮永無忌儼昭格兮神常在歌公德兮  
橫四海

正德八年癸酉

鎮江府知府龍溪林魁立石

光孝觀忠簡公祠堂記

劉蒞

金華守

治亂有循環之一運禍福無不報之機君子之事功有  
幸不幸之殊而共休光則無古今之或異忠簡宗公  
一代人豪也遭時坎坷踣躓頓挫老而見用宋室中  
微郊關為壘奸邪竊柄羣情洶洶汪伯彥黃潛善輩  
力主播遷秦檜王倫輩力主和議舉天下之人匹夫  
匹婦皆知其非而牢不可破膠固而不可解卒以亡  
國者子不知孝臣不知忠孤注君父以偷目前之苟  
安而不知敵人豁壑之欲正欲蹂踐我疆場民物以

收不戰之功懵者默而智者愚豈非數歟公忠義奮  
激羹牆夢寐無時不在青城左右使宋人少知親上  
死長之義相李忠定以責成於內委公與岳武穆以  
收效於外則返上皇而復邊境可以指屈乃不知出  
此此殆難以人論矣夫以高宗之明困心衡慮備嘗  
世故自開府以至即真與公同事豈不知公之必可  
用而用之必有成奈何為君父一心也為已又一心  
也汪黃之姦何所不至想其紿帝必曰畫江守淮此  
為上策輕挑速戰難成大功宗某之才規畫有餘持

重不足萬一少挫雖欲假寐江東不可得矣以為已  
之心聽為已之說不約而同深入骨髓故下令曰敢  
阻南遷者死公則大肆危言略不顧忌回鑿之疏至  
於二十四上披瀝血誠吐露肝膽雖字字流涕言言  
忠愛不勝衆楚之咻矣嗚呼宋室之禍亘古未有天  
下臣民嗚咽飲泣有不忍言者公雖有天下之大才  
不能濟天下之大艱能以片言留康王以續南渡一  
百五十餘年之統而不能以大兵返北狩之轅能使  
兩河赤子戴之如父母而不能使高宗信任之如汪

黃能化奸為良而呼吸之間招集百八十萬之戰士而不能一時脫於讒之口蓋公之所能者天也所不能者人而天之也使公抱恨含冤賫志以歿非公之不幸宗社生靈之不幸也公之忠精則與雷霆爭震與日月爭光與天壤爭悠久宋人自狹乃較一官於死贈然則門下侍郎與觀文殿學士何足軒輊我公耶公諱澤字汝霖系出南陽漢汝陽太守資之裔五代時避亂江南遂居婺之義烏生於嘉祐四年十一月十四日巳時登元祐六年進士第廷對剴切置

末科官館陶縣尉歷龍游膠水趙城令所至有惠政以薦改知萊州掖縣乞祠得管南京鴻慶宮左道嬖倖者譖之褫秩羈置鎮江府愛江山之勝遂卜居焉經郊恩復監鎮江府酒稅靖康元年御史中丞陳過庭等薦之八月甲寅假公宗正少卿使北時以公剛方恐撓和議不果行九月除公朝奉郎直秘閣知磁州是時公年六十八矣窮拂萬狀之餘始得少展自此至歿纔三年嗚呼晚而用用而不究豈獨宋人之憾哉其子穎扶塋鎮江京峴山之陽今為丹徒縣治

東大慈鄉汝山灣之原洪武間郡守劉辰為之立祠  
表墓買田以贍祀事可謂知所重也余自童稚讀書  
論世未嘗不三復浩嘆思起公於九原為之執鞭先  
驅今乃濫竽父母之郡竊念岳武穆本受公節制而  
廟在臨安湯陰極其宏壯公梓里乃無半畝之宮以  
妥靈爽何以表揚忠義而風動後人往來於懷者久  
之一日買得隙地數十丈於光孝觀之東高阜爽塏  
愜余鄙志乃鳩工市材構屋四楹中奉公木主不敢  
隨俗肖像左右各四楹以處公孫子之司香帛者門

屋四楹以時扃鑰直前百步買民居闢甬道以通拜  
謁公豈以祠之有無為加損而廉頑立懦非此不章  
固有司事也祠成貳守濟南張齊通府晉陵趙天定  
推官新建姜山甫咸曰此不可以無記余因闡治亂  
禍福成敗之由備論有宋君臣之得失以附春秋之  
義而發古人之所未論諸君子恐亦不得而辭也正  
德十年乙亥五月望為之記

東大慈鄉汝山灣之原洪武初年劉氏少之  
表墓買田以贍祀事可謂知所重也余自童稚時  
斷十年了亥五負望爲之信公於九原爲之執鞭  
義而幾古人之禮未始斷吾子悲而不符而賴也五  
斷斷如如之由前篇百宋我田之野夫心抑春好之  
掛官德美美山德如白此不可心無暗余因闡宗廟  
固首后車少所如須中齊南萊齊德和晉刻鼓天衣  
豈公豈心所之百無然中財而棄而之謝非此不立  
皇四斷心却高識直前百也買另吾關自直以斷耗

宗堂忠簡公祠碑記

義烏朱以湘 北部郎

宋宗忠簡公澤故有祠在滿心寺內我明正統八年  
重建正德間徙寺為學宮祠亦隨廢廟貌丘墟迨今  
五十餘年矣隆慶辛未聞惠安鄭公來守我邦政通  
民和百廢次舉亟圖所以表忠賢而崇教化會江西  
新建謝公以名御史來按兩浙振揚敷歷敦尚節義  
檄有司各舉先哲之祠悉新之太守下其檄於所屬  
邑惟時楚潛江歐陽君栢宰吾邑奉檄往視公祠無  
復遺礫顧謂父老曰祠凡幾建而今為墟矣即新之



其誰與守且公已並祀四賢祠內是祠或可以已否  
也有復於歐君者曰公之裔有居二都宗堂者去郭  
不五里許家有專祠適臨孔道盍就其祠增其所未  
備俾其子孫世守之不亦可乎歐君是其議上之太  
守以是謝公胥允焉而以縣丞蕭萬夫董其事繼而  
歐君以內召去郡節推宿松劉君守恒視邑篆督察  
惟嚴百工畢力不踰時役以告竣而又為碑其故址  
使無或侵軼祠為正寢三楹廳三楹門五楹仍宗氏  
舊也益以東西廊房十一楹繚以週垣飾以俎豆像

而祝之煥然稱厥祀矣太守謂余邑人屬之記余惟  
宋運既衰北馬南下所在風靡文武冠蓋之士惟同  
聲和議以求苟安旦夕已爾公獨力抗強兵矢心恢  
復瀝誠以誓將士單騎以招劇寇於時王善楊進之  
徒皆以數十萬衆聽公指揮兩河忠義之士京東西  
諸路民兵四面雲集咸願聽公節制兵勢既振所向  
克捷然後力請回鑾以繫屬人望疏凡二十四上悉  
為汪黃輩所阻公不勝憤竟以疽發背死臨卒猶呼  
過河者三嗚呼公之心不以成敗利鈍異不以生死

二其君不能用而公不恤舉朝大臣以為狂而公不顧若公所謂社稷之臣非耶昔諸葛孔明當漢室既頽群雄僭竊與其主東馳西騖以建三分之業後世稱難焉然亦幸有昭烈為之君也宋雖中替人心未改使公遇孔明之君操孔明之權其事半而功必倍之矣奈之何高宗之闇甚也然則公之不能成功天也非人也乃宋之不幸非公之不幸也嗟夫公不能存宋之宗廟社稷於中原至死猶有遺淚身後之祠其廢其興公亦何心哉顧竭忠殉國者人臣之道也

旌賢勵俗者觀風之事守土之責也公之忠誠偉績可以法天下傳後世矧於其鄉乎祀公於鄉使其鄉之人知公之烈百世不磨後有作者期無愧於公可矣此謝公與太守修祠意也國初吾邑若王忠文公禕靖難之時若樓公璉龔公泰皆抱志不屈視死如歸英風特節響應後先此雖山川間植謂非聞公之風而興起不可也然則是舉也其有關於綱常世教豈淺哉公生於石坂塘遷居廿三里登元祐進士所遺有言行錄文集各若干卷茲又史氏所畧余故為

并著之以詔來者謝公名廷傑鄭公名一信而同知  
河源李君燾通判豐城袁君均咸皆先後贊議湘得  
並書是為記

隆慶六年壬申二月金華府知府鄭一信立石

重建忠簡公祠碑記

淮南 李長科 小有

千古忠義之氣未嘗一日不在人也  
有宋中葉宗社丘墟中原淪沒宗忠簡公志存興復間於謬慝感憤  
抑鬱以死旅塋潤州至今五百有餘歲矣予讀宋史  
至靖康建炎間事未嘗不扼腕太息嘆宋世有才而  
不能用則邪曲害公而天下亂禍所由來非一日也  
予與友張君公亮從游屐登京峴山得識公墓於荒  
烟斷草中惻然不勝念登壽丘謁公祠則頽垣廢壁  
相枕籍而賈夫牧豎相蹂躪益哽咽不能為言噫公

之靈在天地者如日星河嶽而不可掩抑今祠墓顯  
然豈忠義在人顧無一興起者歟第念予不過十戶  
之旅必得當事表揚經營其事相謀請於執政會邑  
大夫雲齋張公以是夜夢游公祥符舊祠中班臯比  
列見諸生加訓勅焉惋嘆咨嗟子夜達旦甫旦予與  
公亮往覲謀新公祠張公以夢異告相顧愕眙賊汗  
起立恍若公忠魂義魄上下予前也詢其故老得公  
十九世孫曰德二十世孫廷章廷綸者出公真像世  
譜且皆宋名人題贊其人之最著者為虞允文陸秀

夫朱晦翁文信國胡世將吳大將軍璘諸君子皆表  
表忠賢豪傑相與披展而一種磊砢颯爽之生氣森  
凜逼人旋與德等同詣祠所正方位去荆藁張公捐  
俸為倡予與公亮及廣文吳淵如裔孫德等各以其  
資助之凡所需之物則取於後裔以是年月日之吉  
興工工能材良需用咸足於是月日告成垣墉棟宇  
皆復舊規供設之噐莫不畢具祀公像於祠之中坊  
其門曰宋宗忠簡公祠依故制也復為其後者二家  
俾守祠事率邑屬裔孫祇奠焉奠已諗於衆曰公自

宋迄今五百餘載雖公業在天壤名著史冊無庸重述而祠之興作歲月不有識之將何以示後衆皆曰然以予放跡江湖無所事事囑予記之予小子長科不敏又復何辭惟褒顯前烈以啓後人作一代忠義之氣者此司世道者之責也闡揚祖武以貽後昆留百代忠義之心者此賢子孫事也太史公曰天下稱誦周公以其能成文武之德爰及公劉以尊后稷也今斯舉也尚亦追揚祖烈善繼善述之意乎公祠今建壽丘山南與學宮相表裏昔孔子作春秋明大義

內華外裔以公所為質之春秋之義即以俎豆宮墻奚不可有宋諸公為公家乘止叙其族譜而不及其生平斬文禧為祠記則揚挖其生平而不及祠之興廢遷徙若是倏然也予推詳故實公於宣和元年以言事羈置潤州讀書於龍華寺夫人歿藁塋於京峴山迨尹開封卒賜合塋於潤岳武穆建功德於雲臺寺以守公墓宋元以來更歷既久寺屋傾移國初洪武間公之同里劉侯辰守郡事率僚佐召後裔洒掃薦奠加護封域重表墓道改建祠於普照寺歸復先

業俾龍華寺之乘載菴僧守之正德中江右侍御謝  
公琛來按是邦覽郡乘而嘆曰崇祀先烈國有彝典  
祀之不修於典奚稱申舉河南楊公璉所奏列公祀  
典更議祭禮加少牢於周范韓陸諸祠郡守羅公循  
經營祠宇於龍華寺之壽丘山北嘉靖初學侍御蕭  
公鳴鳳規寺址為學以公為有宋名臣獨得不廢今  
縣學之壽丘山而民人仍曰宗公山者以公祠之舊  
普照龍華寺之故址也後之謁公祠拜公像者無或  
感愴宋事而更親蹈之則公之靈可以晏然矣張公

雲齋諱文光祥符人吳君淵如諱永澄歸安人張君  
公亮諱明弼金壇人公裔德廷章廷綸咸相始終贊  
理故得並及之

崇禎九年丙子乙陽月 日立

則有融淳非今古君臣千秋同揆在天之靈匪徒  
皇付日實地神理驚動山河彼精靈固未嘗一日  
歆於天壤間矣乎丹徒龍華寺之壽丘山故有宋

忠簡公祠勅建於正德三年巡按御史謝公琛大  
士之格斯公為文以誌迄今墳垠未改顧為時

崇禎七年平丙午之亂，朕公為宋名臣，獨得不廢。今  
野姑野並又之，而民人仍曰宗公山者，以公祠之舊  
公其鞫即金暨以公裔，朕我章以倫，朕朕然贊  
崇禎七年平丙午之亂，朕公為宋名臣，獨得不廢。今  
野姑野並又之，而民人仍曰宗公山者，以公祠之舊  
公其鞫即金暨以公裔，朕我章以倫，朕朕然贊

重修忠簡公祠記

香山鄭一岳

東嶽  
升徒令

國家精裡彞典麗三辰，羣九有衣冠，俎豆所在燦於  
方書奉祀，匪懈蓋世往而精英不往，居處宅兆飲食  
子姓儼然呼吸，且以其子孫之一氣，求之烟燭生理  
昭明有融，豈非今古君臣千秋同揆在天之靈，匪徒  
房皇徃日實以神理，警動山河，彼精靈固未嘗一日  
消歇於天壤間矣乎。丹徒龍華寺之壽丘山，故有宋  
宗忠簡公祠，勅建於正德三年。巡按御史謝公琛大  
學士文禧、靳公為文以誌。迄今瑱珉未改，顧為時百

有三十二年於茲矣今更建於邑學尊經閣之後峙於大成殿之東偏者廣陵小有李君金沙公亮張君也爰始爰謀以夢感也因而經營其事者為洛陽雲齋張君張君先余金丹徒也圖練既就龜契孔嘉棟礎瓦既備乃事俎豆禮器尚有俟焉岳於丁丑之冬來蒞是邑始得拜公於新祠之下髣像尊奕裳繡衣黼室皇南向而坐余嘆曰是舉也有神理哉既為董厥成不禁愴然於公後昆星散訊之往牒有文學徐生學古者曾倡義上書立宗氏成童列衣冠而馨

俎豆會虞山文學萬菽宗子發交有文章聲氣之求譜有水木源本之合而欽厥舉贊厥成進而請記於余余曰其何功之有哉在天之靈式憑哲士矣宗文學曰唯唯否否公三年於潤恭肅為贄神何言哉而事會湊集有恰與新祠鼎立邀神貺而贊國章者岳曰如何宗文學曰今日始得見峴山遺塚也丹陽湯中丞之三板今日始封而公五百餘年馬鬣碑字松門仍舊焉矣且又謂祭田碑記忽焉見於壽丘山下為郡守劉公當年清楚立石某阡某陌某疇某塋至



今斑然大有可攷夫如是則亦奇矣洋洋乎神也豈  
猶人哉既以夢感更厥曲勢五百年所一坏宰如也  
畢如也誰適為之荒丘殘碣又誰均畫圭田井井以  
彼轡龍俊秀又自東來於焉以子孫之一氣求之居  
處宅兆飲食莫不愾聞肅見然則大忠精爽所謂未  
嘗一日消歇於天壤間焉爾於是泐石載言而繫以

銘銘曰

維明宇宙大世曼壽齋被臚驩几筵芬秀瘁躬在  
天樂康今酬疏二十四過河者三登歌以侑禮樂

有齷為臣不易心萬古丹精英天表國磐石安為  
邪為魅如掌中丸以指一彈辟易萬狀重轅文軒  
租璣圭鬯如左如右如在其上公於潤官公於潤  
莖公租稅豐公子孫養大江環山倚公而壯神則  
曷戀八物其甄春秋拜舞道里纏綿公臨我鬻多  
士景賢仰輔宣聖嘉侶三千自茲鼎建億萬斯年  
崇禎庚辰孟秋立石

清蘇東承孟姑之云  
士景世所歸宣望壽嗣三下自茲後數數  
居德八州其運春姑我母故重數然必  
蓋公跡蘇豐公子為養六二獻山衛公  
跡蘇主宗以成以成以成以成以成以成  
跡蘇主宗以成以成以成以成以成以成  
跡蘇主宗以成以成以成以成以成以成

忠簡公祠禁杜汚佔碑記

三韓鮑天鍾

子龍丹徒令


天下之英傑自垂千古然必在上者有以尊崇之而  
愈顯夫古先英傑其人雖往而其氣在天地之間如  
日月之明如山嶽之時如江河之浩瀚而流通讀其  
書使人往復而不能釋過其里使人流連慨慕而不  
能去皆氣之所為也古之人知其然於是為之祠祀  
嚴翼其威儀使見者儼然如晤其生平而興其油油  
趨善之意斯固所以尊崇之之術也有宋留守宗公  
功勳在天壤事蹟在國史而是邑也生則寓焉歿則

塋焉是其氣之周流必將徘徊瞻顧不能釋然於茲  
土而後之人過是邦者亦必訪其遺踪以想見其人  
則其宜祠而祀公也蓋不與他邦等矣舊有祠在壽  
丘山後因學宮遷焉遂改建學左其工費所出自邑  
宰而下迄公之後裔凡若而人為堂五楹周垣巍赫  
有司時祭牲牢有加歲月既久楹楠黝黝圍牧者蹂  
踐其庭穢汚其室近復有猾胥奸民居妻孥其中突  
烟溷噐錯襟猥褻不特瀆明神于下且辱公於上  
國典抑使過而謁者徬徨趨趨不足動其觀瞻而與

其向趨之意甚非所以示尊可崇而稱為民上者之意  
也鍾自蒞茲土即以易風俗作人才為事每遇時祭  
拜祠下見堂宇蕪穢心甚憤之今年九月既將居者  
屏逐掃除糞穢外內潔整然慮奸民廝卒歲月遷延  
復蹈故轍故設為厲禁嗣後敢有強據其中及蹂踐  
穢汚者許宗氏子孫呈之有司即加嚴譴勒石祠側  
以示永久勿敢失墜嗚呼以公之立身事君為百世  
法載觀今昔寧有幾人遠邦異域莫不聞名而景仰  
之而生斯地者履其祠宇而瞻其像貌乃不能尊崇

之而猶欲強據而污穢焉即法有所未及其能免神  
怒而避天譴也哉時

康熙二十三年歲次癸亥十月立石



御賜忠簡公匾額恭紀碑

維康熙四十有四年春三月

皇上巡視河工因下順輿情渡江南幸惟時

翠華至止吏治肅而黎庶康太和之氣俱在我

皇清宇宙間矣又於

萬幾之暇親灑

宸翰凡前代之忠臣賢士靡不

賜以褒揚徒邑儒學之有宗忠簡公祠也舊矣四月

三十日

皇上駐蹕金山嘉其忠於有宋特

賜忠蓋永昭四字學之亦宗忠簡公祠也蓋其四八

命臣毓茂敬勒匾額恭送入祠誠異數也臣毓茂謹鳩

工敬摹於九月十八日吉率後裔奉祀生臣宗文

燦懸奉訖自今以後凡入祠者仰瞻我

皇上鳳翥鸞騫之筆

華袞之褒其忠義之誠有不油然而生者乎夫

皇上於此臣庶既有以遂其生又使有以復其性斯誠

聖人新民之學

帝王振德之勳也臣毓茂何幸得承

命而董其役敬誌月日以垂示萬世

康熙四十四年歲次乙酉九月 吉旦立

鎮守駐防江南京口沿江沿海等處地方副都統

軍功加二級臣蔡毓茂敬撰並書

重修常熟縣忠簡公祠堂記

我忠簡公為南宋第一功臣建炎初薨於汴府還葬  
 京江賜塋賜祠賜謚賜廕歷六百年代膺卹典子朱  
 子謂公功烈實過孔明而文信國哭墓詩復謂一日  
 孤忠千年灑血信已故於今大江南北若幽趙若荆  
 襄若青若磁若膠若掖若衢若巴若房郢若京雒等  
 州郡凡公宦蹟所經靡不尸祝里祠俎豆相望而我  
 家子姓自京江義烏外奉木主以播遷於蕪常揚廣  
 徽寧金嘉豫洛閩廣間者統計恩祠又歷置八九焉

忠正堂世系 卷之十  
於嗚我公以一代偉人血食後嗣星羅棋拱幾半天  
下可謂盛矣而比年子弟每不克於春秋時祀中扁  
舟四屆訪諸邑族老登忠武堂而一講尊親之誼是  
極盛之下無以為繼恐不獨風教之憂亦敦一之憂  
也今敦一謬以匪才歷秩內禁重荷

簡

命視學江南下車後即按京江拜公墓於京峴山之  
陽旋拜祠下見李明府新製碑記刊修歷歷隨諭蘓  
常揚廣徽寧等祠則族老各以興廢對時心怒焉即  
欲移檄諸郡飭理先祀會試事倥偬未遑通告今癸

未秋嘗熟二十世孫發以銓選迫期將赴長安先疾  
走金陵來諮祠事且悉祠基湫隘及里胥佔汚狀為  
太息久之即於八月三日星按蘓府搜剔強梗懲不  
法者二家復守祠者一人責諾有司褻祀之咎集族  
人而告以祖功宗德之故亟捐俸粟迅葺恩祠命學  
博規制典簿庀材廵司供役節推董事圮者新之隘  
者廣之而二十世孫發復捐數十緡以助之登登馮  
馮昕夕具作堂寢門廡悉準大體鎖以重闔繚以周  
垣不踰月而工告竣工既竣有司報命顏曰宗忠簡

公祠仍舊制也即於九月十五日丁未返駐虞山拜  
公祠於阜成門內率族屬老幼祇奠焉復告之曰我  
公功烈滿天壤祠祀半天下其精靈磅礴雖海隅蠻  
貊罔不震怖原無俟後人之表章為也而特以培護  
烝嘗則學臣之體續崇廟貌則子孫之責且常熟恩  
祠由來最久謹按邑志我忠簡公第二孫朝奉大夫  
諱嗣尹以乾道元年膺常熟丞覃恩賜緋立祠任所  
至正末由兵燹廢正統末十二世孫諱世臣由京江  
分徙常熟子孫家焉正德六年江右侍御謝公琛來

按南畿題建 賜祠於京江隨檄蕪常揚廣等處一  
體重建春秋 賜祭而常熟恩祠復由是始是今日  
之重修所以稱

上旨而報先忠者其指甚大正不徒為常熟表章已也  
族屬勉乎哉我家世受

國恩甲於他姓而克掖庭載史筆者又半隸江左是極  
盛之下知必有孝子慈孫伏

闕感泣而盡然於尊親之未報者且今西寇跳梁京畿  
震動我



皇上將親撻六師問罪仇方而凡我族姓尤宜仗大節  
効大忠率祖攸行以無忘

聖朝簡卹至意詩不云乎匪棘其欲聿追來孝又曰王  
之蓋臣無念爾祖繼自今於發有厚望焉敢先為常  
熟告而併將為大江南北與各京省屬之世守先祠  
者告云

崇禎十六年歲次癸未九月望日江南督學使者南  
昌後裔叟一薰沐百拜撰記

重建忠武堂記

康熙乙卯

忠武堂宋太守俞公為忠簡公建吾族禘祭時享之  
堂也在鎮江之東北六里許一望鬱蒼林木為忠簡  
公墓則京峴山之西也汝山之陽平壤之間即其堂  
也宗氏之先自周大夫宗伯以官為氏家南陽唐末  
五季之亂避地江南居婺之義烏厥後子姓日繁以  
衍至宋元祐六年忠簡公登進士第仕歷兩府隸茲  
皇輿以宗姓編版籍者莫不以周宗伯公為鼻祖宋  
留守公為嫡傳留守公產自古婺以言事坐羈潤州

迨埋瘞衣冠亦潤州一坯土潤州有宗氏自留守公  
始其散處都郡者皆遠自南陽而分近自義烏鎮江  
而去宗氏之盛號稱衣冠家武忠文節譜誌相輝著  
聞東南矣若吾族之世居潤州者雖不表顯於當世  
而皆能以詩禮相傳襲守其家之業不廢宋嘉定吏  
部侍郎知鎮江軍府俞侯烈即公墓道作享堂顏其  
額曰忠武為吾族四時之所聚會期吾後祖武先公  
繩繩於勿替也歲久傾墟垣廡盡廢綸每恫族衰不  
振謀諸伯兄廷章過建平晤諸族黨語堂圯舊事俾

葺新典諸族屬皆躍然喜曰此盛事也有漢臣氏考  
鼎先氏瑛者以重建自任於對墓居村購居民陳君  
道等房如千楹地一畝三分五厘而重作之祠為堂  
三楹為寢三楹大門齋所廚房加於舊規遵先志也  
嗚呼忠簡公之塋潤州潤州之有宗氏五百餘年於  
茲矣其祠於潤亦即歷今五百有餘歲矣林姿谷態  
藹然如昔曾不與時而變遷凡吾族人遠近親疎固  
有間也而追念厥始千百人之身同出於一人之身  
初曷有親疎遠近之間哉登斯堂者觀夫水之有源

木之有根尊祖敬宗之念孝悌之心其必油然而生  
矣且吾祖宗奕世載德厥維深厚故延於今愈久而  
愈綿所謂德之厚者其流光也我族之人續承遺休  
繼述先祉引而弗替必將圖無愧於前人或以功業  
名世或以文章華國出為邦家之瑞而羽儀於  
天朝於是堂也基之矣雖然豈惟吾族人凡鄉人之  
至於斯見夫源之深而流之長也本之茂而末之昌  
也歆艷之意不能自己其不奮然作興思致於光顯  
而求儷美於吾宗氏乎是為記復系之詞曰

於維我公扶宋中絕表表孤忠挺挺壯烈死所東  
昔京難乾淚血骨塋朱方莫返於浙歷年五百苔侵  
通殘碣陟隴生啼人增哽咽寢堂載闢芳徽如揭及  
之時蒸嘗蠲祀斯潔假哉惟靈曷其云媒佑我後人  
尚希前哲必計春秋享祀必有合族會餐之禮

有世戶紳有巨族所二十世京江裔孫廷綸撰

之宗歷千歲之久綿綿不墜其以是歟兩漢而後宗

法漸廢六朝及唐門閥相尚崔盧王謝為世推重

以天潢貴胄不能與抗維時宗法亡而譜系漸廢

木之有根尊祖敬宗之念孝悌之心其必油然而生  
矣且吾祖宗奕世載德厥維深厚故延於今愈久而  
愈綿所謂德之厚者其流光也我族之人續承遺休  
繼述先祉引而弗替二千四百餘年矣蓋非功業  
名出帝前皆章華國出為邦家之瑞而羽儀於  
天邦彙嘗麟趾祥紫如維維靈德其云教訓非外入  
至姿駟起鞠垂和入會更何尊堂輝闕若諸故訓又  
也京畿葬感血骨塋未亡莫至於此聖平五百苔身  
而然雖亦公若宋中雖未死忠其其出然亦何東

忠簡公墓重建享堂記

康熙乙卯

昔三代盛時宗法行於天下自天子諸侯至於官師  
適士莫不有廟所以尊祖敬宗收族當時雖千餘年  
之遠祖數十世之疏族皆有世系可稽昭穆可序婚  
嫁必告死喪必訃春秋享祀必有合族食饗之禮國  
有世臣鄉有巨族所以親愛輯睦維持鞏固成磐石  
之宗歷千歲之久綿綿不墜其以是歟兩漢而後宗  
法漸廢六朝及唐門閥相尚崔盧王謝為世推重雖  
以天潢貴胄不能與抗維時宗法亡而譜系興唐書

忠正堂世系表 卷之十  
宰相世系表所載班班可考自宋南渡中原喪亂譜  
系散失迄於近代無論宗法不講即譜系宗祠亦置  
不問有法古好禮之家祠遠祖合疎族者人爭譁笑  
之風俗澆漓莫此為甚惟我祖忠簡公產自古娶居  
壘潤州故兩地皆有公裔其後子姓日益繁衍散處  
他郡而建平之族多至五千餘人嗚呼非天報施忠  
義而本支昌熾能若是歟徃先大父水部府君先父  
奉政府君嘗有志建祠合族而未果會吾廣陵大宗  
義六氏以經術繼起嘗讀譜慨然追溯本源特渡江

展忠簡公墓肅拜祠下晤諸族黨欲修舉廢墜方謁  
選未遑潤州廷章廷綸特過建平遍諭諸族屬皆躍  
然喜曰此盛事也於是漢臣芳鼎先瑛以建享堂自  
任僉議欲葺舊祠合族譜屬義六為譜序而以享堂  
記屬予蓋我兩府君未及為者一旦舉行之雖諸族  
屬義舉豈非忠簡公之靈有以啓佑之歟在周易之  
渙合人心必先立廟今郡有公祠墓有享堂後裔遠  
者禘祭近者時享古所謂尊祖敬宗收族之義庶幾  
見於今乎吾願登斯堂者對越先公及周旋族屬也

無徒盛儀文辨昭穆必忠孝相勉敦厚相期學業相  
勵婚喪相助患難相卹變晚近澆漓之俗復三代醇  
龐之風於是堂也基之矣諸族屬曰善遂書以勒石

廣陵二十世裔孫元豫撰

此處有非常模糊的刻字，內容難以辨認，似乎是對祠堂歷史或建築的記述。

復忠簡公祠祀記

康熙乙丑

嘗聞國家崇有德而報有功也於是乎有祠祀之典  
或建於官或建於里官司祭焉子孫守焉載諸典籍  
可稽也然必其人盛德大功被蒼生而利社稷然後  
可以世享其明禋恒與天地相終始今於我

祖忠簡公之祠祀而益信云公自宋迄今幾六百載

祠於雲臺普照寺歷四百有年勅祀於龍華寺之壽

丘山為明正德辛未侍御謝公琛議祭禮特加少牢

於宋之周范韓陸諸祠郡大夫二仲報虔歲編銀六

兩七錢零八厘嘉靖初名御史蕭公鳴鳳視學南畿  
規寺址為學以公為有宋名臣獨得不廢自明正德  
距今

皇清康熙庚申僅一百七十餘載其間更廢興者幾俎  
豆缺陳犧牲虛供相為沿傳莫可清復嗟夫公之竭  
忠殉國至死猶有遺憤身後祠祀其廢其興公亦何  
心哉然以公靈爽神英克塞於天地恒與人之精誠  
冥契無間也故旋示異於是歲仲夏燦病篤感公夢  
異於冥司其神氣森凜逼人而是日中疾頓瘥駭汗

起立實我公忠魂烈魄上下余前斯其靈繹靡遺也  
越數日以地震 欽奉

恩詔案內清復祀典匪後匪先占夢巧會微公灼有神  
示不及此遂上其事於邑大父母徐公煒仁呈請太  
守例復半祭姑示存餼羊之意云爾未幾五更歲籥  
鑿輅東巡督學侍御購錄遺書檄修祠祀燦復具陳巔

末於守憲郡邑大夫漸次以復豚豕八十觔羊三十  
觔香帛菹醢之儀如制既得感公夢於二十世之下  
又得復制典於五石載之後謂非我公靈爽神英精

誠貫注不朽不可也詩曰神之格思不可度思矧可射思其公之謂歟入廟而撫几筵臨墓而挹松栢者咸相期為天地不可少之人其於國家不言而化之益者已無窮矣是用叙次其祀典之巔末並以誌清復之歲月為族人考鏡云

二十一世守墓孫文燦薰沐百拜撰

全集目錄

卷之十一 附 題贊 名賢詩 後裔詩

建炎進退志 附熊人霖跋 李 綱

遺文後跋 朱 熹

宋史論 脫 脫

義烏先達傳贊 王 禕

史傳贊 許 誥

史傳贊 鄒元標

史傳贊 張 溥



家傳贊

張維樞

家傳贊

李長科

家傳贊

黃道周

家傳贊

雷起劔

誥勅後

蘇伯衡

誥勅後

胡翰

誥勅後

解縉

誥勅後

何聚

像贊

吳璘

像贊

岳珂

像贊

吳伯宗

像贊

王守仁

像贊

王栢

像贊

李長科

像贊

周鑑

像贊

湯道衡

古調詩

哭宗留守汝霖

李綱

滿心寺弔忠簡公祠

吳芾

宣和遺誥

宋濂

壽丘山弔忠簡公祠

周維持

謁忠簡公祠

吳敬修

五言古

讀忠簡公遺事

黃潛

弔忠簡公墓

王禕

弔忠簡公

宋濂

拜忠公遺誥真像

鄔麟昭

七言古

拜忠簡公祠

楊一清

七言律

忠簡公史傳

劉克莊

謁忠簡公祠

費閏

謁忠簡公祠二首

畢翰

謁忠簡公祠

于德成

謁忠簡公祠

錢燕喜

謁忠簡公祠

盛明

拜忠簡公墓

談允謙

拜忠簡公墓

張九徵

拜忠簡公墓

韋士敏

七言截

讀宗忠簡道誅康王

史氏

讀宗忠簡屢狀勸進

史氏

史傳後二首

史氏

後裔詩

附

臨終憶忠簡公墓

致

拜忠簡公墓

訓

拜忠簡公墓

臣

拜忠簡公墓二首

發

謝湯中丞重修公墓二首

發

拜忠簡公壽丘舊祠

發

謝張雲齋父母重新公祠

發

壽丘舊祠掘出墓碑志喜

發

拜忠簡公墓

芳

忠簡公墓祠秋祀

書

拜忠簡公墓二首

玫

拜忠簡公墓二首

漪

御書匾額賜忠簡公祠

玉樹

重修忠簡公全集成梓

玉樹

忠簡公書立誓

忠簡公書立誓

忠簡公墓二首

忠簡公墓

忠簡公墓

宋宗忠簡公全集卷之十一

二十一世孫文燦敬修

名賢題贊

建炎進退志

李

綱忠定公右僕射

余薦宗澤於上以為留守非澤不可澤浙東人自為小官即卓犖有氣節敢為不詭隨於世以故屢失官靖康間知磁州上以康邸持節使敵中時金人已再犯河北澤力挽留以為不可行其後有九帥之命遂即大位澤之功為多同列忌之譖毀百端不得留府

中既而除知襄陽府余到行在澤適至與語袞袞可  
聽發於忠義至慷慨流涕故余力薦之上笑曰澤在  
磁兀下令一切聽於崔府君余嘆曰古人亦有用權  
術假於神以行其令者如田單是也澤之所為恐類  
於此京師根本之地新經擾攘人心未安非得人以  
鎮撫之不獨外寇為患亦有內變可虞使澤當職必  
有可觀上許之乃除延康殿學士知開封府兼留守  
澤至京師果能彈壓撫循軍民畏愛修治城池樓櫓  
不勞而辦屢出師以挫敵鋒雖嫉之者深竟不能易

其任也

義烏令熊人霖曰宋高宗得稱中興也宗李二公  
柱石哉二公天資剛茂學力靜深其了達承當非  
凡所見故皆能應大變定大難處大疑人以為烈  
風猛雨迅霆之交施而二公意思安閒措措不差  
黍累昔韓魏公未嘗以膽許人范文正公獨以天  
下為己任夫任所果者膽也膽所定者識也識所  
淵者學也讀二公集則二公之所養可知矣忠定  
集曩抄本任秘府今建寧尹皖城三山左公始發

厥裔李生嗣玄之藏而剖之余友筠州五湖黃君  
西昌初仕戴君緘寄余署中余拜手長讀信二公  
之出處天實為之而喜二集之並出於時足以堅  
任士之骨也韓范宗李將無同忠定有哭忠簡詩  
一章惜刻中僅有其目嗣當從左公訪補今採忠  
定品題忠簡者於此古人聲氣之投豈曰借交引  
重哉有君臣而後有朋友聖賢之所以立倫也

其曰也  
新安朱熹  
如晦

忠簡公遺集跋

新安朱熹  
如晦

宗公守京城治兵禦敵以圖恢復之計無所不至上  
表乞回鑾數十乞毋南幸乞修二聖宮殿乞毋割地  
其所建論所畫謀是非利害昭然可觀觀其勢駸駸  
乎中興之基矣耿南仲沮之於南京時使不歸京城  
汪伯彥沮之於淮甸時動相掣肘使不得一有所為

宋史論

脫  
脫  
大學士

靖康建炎之禍徽欽囚而北高宗播而南一時忠義  
之臣紓籌策以贊恢復者有執政李綱舊都留守宗

澤顧皆阻於奸佞屢失事機網既弗安於位而澤亦齎志以歿悲夫按澤撫羣盜集義旅居猜忌之地史謂黃潛善等慮變遣其僚陰伺察之亦詎知非高宗意設澤不死必與岳飛之獲罪同矣劉向有言執狐疑之心者來讒賊之口不其然乎

其義烏先達傳贊非陳言訛也  
義烏王子克 諱忠文公

高宗之南渡也中原之事一委於忠簡及中原剋復而高宗乃無有北還意忠簡以中原無所倚因請以信王榛為兵馬大元帥信王榛者高宗親弟也黃潛

善汪伯彥輩輒譖其有異圖遂有門下之命雖曰尊任之然實奪之權家傳國史皆不書其事蓋諱之也嗚呼高宗之無意於中原固不足論使忠簡而緩死則神州全壁社稷靈長實嘉賴之矣然則盛衰之際庸非天平

史傳贊  
靈寶許 誥 廷綸 莊敏公

孩提之童無不知愛其親者及其長也無不知敬其兄者是蓋良知良能人所共有而一有感之則必發見而不容以已也宗澤之請回鑾前後二十餘疏其

言進退之利害去留之得失非不明切而高宗南幸  
意決若罔聞也及聞迎復二聖使天下知孝弟之說  
而遽降詔擇日還京豈有他故蓋高宗之良知良能  
於此發見而不容已也使高宗能專任之中興可立  
俟惜乎高宗惑於汪黃之議其心雖發而隨復窒遂  
使汴終不還仇終不能復故宗澤憂憤成疾讀至出  
師未捷之嘆及諸將問疾矍然囑以汝等能殲敵我  
死無恨三呼渡河無語家事而卒誠鞠躬盡瘁生死  
不二者也惜高宗惑於南幸遂使其志不伸鬱憤以

歿可慨也夫

又

吉水 鄒元標 內翰 爾瞻

聞之兵法曰謀國用兵之道有及時乘銳而可以立  
功者有養威持重而後能有為者所謂養威持重者  
何平時有訓練之方凡用奇用正用智用譎知彼知  
已知勇知方無不畢至且也敦其尊君之仁親上之  
義死長之節設或遇敵元氣與神氣俱振未有不奏  
捷者金人逼二帝北行宗社失主宗澤一呼而河北  
義旅數十萬眾若響之赴聲實由澤之忠忱義氣有



以風動之也不然民方視金鼓旌旗為禡藪攻殺擊刺為畏途烏能目覩君父之陷於塗淖遂各懷憤激効死不憚哉使當其時澤得勇往直前無或齟齬牽制之則返二帝復舊都特一指顧間爾乃為黃潛善汪伯彥嫉賢忌功譖之而高宗惑於讒口善善而不能使澤不得伸其志發憤而薨豈不悲哉至其易箠時猶連呼渡河者三雖處死生變故之際堅持不二即千秋萬世而下猶凜凜有生氣正不必爭存歿於旦暮間也讀此而不扼腕流涕者非夫矣

又

太倉張溥天如史官

高宗構之奉命往金軍也汪伯彥以帛書請蒞相州橐鞬郊迎握手慰勞君之知臣固謂其能出我於險也然金人要構議和時構由滑濬至磁王雲與俱將蹈虎口宗澤叩馬力諫得免北行生我之德大於伯彥構何不念也伯彥以人言去國建炎九年知宣州過闕構語漆檜追懷舊僚有漢高豐沛光武南陽之恩獨置宗澤若仇好所惡而惡所好寧人情乎伯彥當靖康改元猶獻河北邊防十策黃潛善事徽宗尤

關冗無聞陝西地震察訪失職見譏朝論構忽拜為  
副帥召入中書與伯彥同處肘腋左周右召親厚無  
比遂使澤志不伸疽發身死抱武侯之忠嬰亞父之  
疾澤則已矣構之不才何以對劉禪也公少豪儻有  
大略登元祐六年進士廷對昌言考官惡直累試郡  
邑國爾忘家既聞女直海上之盟即退居東陽結廬  
山谷管樂命世出處不苟靖康難起願使北庭兩河  
敵衝車騎經理及入援都城謀邀二帝請誅偽命力  
守汴京累章還駕克日渡河智勇冠文武忠義動天

地而二賊為梗大事不成計澤通籍以來更事三主  
功名不達得時奮節惟在高宗迺三十年而淪滯空  
老不二載而憂憤喪軀生發雷電之光歿洒祁山之  
淚英雄失路孰有甚於宗澤者哉強項奪魄倘公不

聲迎復不勸回鑿何以挫金銳而振忠義鬱憊之氣  
然亦孰非天也和議汪黃陰主之而公空灑淚賊檣  
堅持之而武穆至碎身家主實有父兄忍委沙漠於  
二長城何有公以半壁天下還宋天以全軀還公幸  
矣樞從公裔方州君得梓遺草始知孝烏諸先輩忠

開元無聞陝西地震察訪失職見譏朝論構忽拜為  
副帥召入中書與伯彥同處肘腋左周右召親厚無  
比遂使澤志不伸疽發身死抱武侯之忠嬰亞父之  
疾澤則已矣構之不才何以對劉禪也公少豪儻有  
大略登元祐六年進士廷對昌言考官惡直累試却  
知英辨夫器雖育其效宗戰昔趙即退居東陽結廬  
共不二煉而憂勤喪眼主翁雷雷之表也耶山  
以公不盡野却奮滿卦五高宗與三十平而命盡空  
謝而二娘為雙大車不效信戰血辭以來更事三主

家傳贊

晉江張維樞子環義烏令

公不填開封宋不得南公不死宋不終南公真社稷  
臣哉識者謂公屢疏勸迎二帝似未料建炎之隱良  
是第此乾坤何等時也縞素一局強項奪魄倘公不  
聲迎復不勸回鑿何以挫金銳而振忠義鬱備之氣  
然亦孰非天也和議汪黃陰主之而公空灑淚賊檣  
堅持之而武穆至碎身家主實有父兄忍委沙漠於  
二長城何有公以半壁天下還宋天以全軀還公幸  
矣樞從公裔方州君得梓遺草始知孝烏諸先輩忠

義固有種也

又

昭易

李長科小有孝廉

女直兵滿萬則不可敵其禍始於宋迨於明然今之  
弊弊在朝廷欲用將而無其人宋之弊弊在有其人  
而朝廷不能用以公神略如此設用之於靖康二帝  
必不北狩設用之於建炎宋室必不南遷女直尚無  
處所區區蒙古何繇投瑕抵隙入主中原濁亂我函  
夏百有餘年耶公以已志不伸積憤而死凡此皆天  
也汪黃小人豈真足為公重輕哉予因是重有感焉

千古忠魂義魄長留天地間者惟此數行英雄淚爾  
方公入見康王陳興復大計涕泗交頤及與李綱論  
國事慷慨流涕英雄之志固已遠矣故雖河東巨寇  
王善亦感泣而解甲降也金將王策亦感泣而願効  
死也叛將之弟趙世興亦感泣而取滑州也孰非我  
公英雄之所激發耶當其召諸將協謀勦敵期還二  
聖言訖泣下諸將皆泣聽命此時一鼓而前敵人滅  
亡特反掌間乃為奸邪所抑至疽發於背諸將問疾  
流涕天下事尚可為哉尤可異者公薨後都人號慟

三學之士千餘人為文以哭豈人盡英雄而其慟其  
哭則皆英雄淚也忠義之感動如此今千百載後猶  
有瞻公祠宇欷歔淚下者况當日乎噫嘻公之生也  
雷電有光其死也風雨晝晦天亦為英雄洒泣而變  
色矣

又

漳江

黃道周

石齋學士

忠簡將軍天生忠勇兩河破殘單騎往董固守不移  
城池復聳金人南來神功力猛縱擊直前斬首成塚  
康王使金請毋覆踵京師入援兵須速擁迭戰十三

捷報洶洶奈何朝廷和議受哄二帝蒙塵江山失統  
帝及康王已非英種再相權奸惟貪榮寵公雖英雄  
難回懵懂望駕還京首猶南拱憂憤發疽誰為一捧  
連呼過河誰為一動每一悲思淚如泉湧

又

仙井

雷起劍

雨津司李

予少有史癖展卷之餘盱衡千古值快心事則眉舞  
肉飛痛心事則鬲酸皆裂時起舞時拊膺時謳吟寤  
嘆旁觀者咲予痴而予弗顧嘗讀漢宋史至星隕原  
頭風波詔獄連呼過河輒掩卷太息淚淫淫交睫下

忠正堂世身 卷十一  
也嗟乎漢丞相能使司馬氏父子畏之如虎一腹中  
鱗甲之李嚴鼓三寸舌喪其成功而有餘岳武穆唾  
手燕雲矢心天地志何壯也黃龍痛飲在及掌間一  
長脚臣長舌婦鼓三寸舌以莫須有三字殺之而有  
餘宗忠簡公前後請上還京二十餘奏願躬冒矢石  
為諸將先北方甚尊憚之投袂以往誰敢逆顏行者  
真有宋社稷臣也一伴食中書之黃潛善汪伯彥二  
鼠輩鼓三寸舌令其積憤疽背長號過河賣志歿地  
而有餘此三先生者固皆出師未捷身先死長使英

雄淚滿襟者也讒人為禍不可畏哉但今日錦宮城  
外西子湖頭漢丞相岳將軍廟貌巋然惟忠簡公一  
片埋照地石冷灰滅何江左懷忠慕義之心遠不逮  
杭蜀也予因是以淚和墨而跋之且人之好善誰不  
如我其哭公當有如予之哭公者豈其露處公於荒  
嵐衰草殘垣斷碣之中宣和元年以四年知恩敘復

就差監鎮江都酒務此則當時所被勅也六年除通

判巴州事靖康元年御史中丞陳過庭等薦可臺職

召赴闕假宗正少卿之和議使公奏名不正改其名

也必... 漢丞相能使司馬氏父子畏之如虎一腹中  
... 李嚴鼓三寸舌喪其成功而有餘岳武穆唾  
... 天地志何壯也黃龍痛飲在及掌間一  
... 嵐泉草窳吐瀉馱之中舌以真須有二字投之而有  
... 公當... 哭公... 豈其... 公... 豈  
... 因是... 哭... 豈... 公... 豈  
... 西... 哭... 豈... 公... 豈  
... 豈... 豈... 豈... 豈... 豈

題忠簡公復官誥

眉山蘇伯衡 平仲 學士

謹按公元祐六年年三十三登進士調館陶尉歷龍  
游膠水趙城令政和三年改官知掖縣差通判登州  
道士高延昭恃勢犯法公窮治之不少貸延昭至京  
師因林靈素訴公改建神霄宮不當公既乞祠而歸  
猶坐削權羈寘鎮江實宣和元年以四年郊恩叙復  
就差監鎮江都酒務此則當時所被勅也六年除通  
判巴州事靖康元年御史中丞陳過庭等薦可臺職  
召赴闕假宗正少卿克和議使公奏名不正改其名

計議使議者以公剛方難合必不可屈恐害和議乃  
不遣行會選易河北帥守擢公直秘閣知磁州加河  
北義兵都總管就遷秘閣修撰高宗以親王奉使過  
磁公力止之朝廷即授以天下兵馬大元帥公為副  
元帥暨高宗即位南宮命公以龍圖閣學士知襄陽  
府俄徙知青州又用尚書右僕射李綱薦徙知開封  
府遂以延康殿學士為東京留守兼開封尹陞資政  
殿學士建炎二年秋薨於雒有旨除門下侍郎御營  
副使依舊留守而遽以訃聞詔贈觀文殿學士謚忠

簡公先是請休致特授朝散大夫卹典行累進其階  
通議大夫至開府儀同三司詩不云乎無競維人若  
公者非所謂命世之大材歟方其盛年置之散地且  
踰兩紀以忤一道士得倖用事者坐廢四年及河朔  
事勢危急始舉磁以授之公年已六十八矣其受任  
居守也二帝北狩高宗南巡於斯之時中原岌岌真  
如一髮之線引千鈞之石臨萬仞之淵尚賴公雖老  
而奮然自必身任恢復之事夫何規模甫定功業垂  
成而時宰黃潛善汪伯彥忌之遇事輒從中沮公不



忠正堂七身 卷十一  
勝憂憤疽發於背而死及之茲非有志之士所為太  
息流涕者耶公既薨而宋竟不復有中原矣豈人之  
無祿而天不憇遺也將不欲混一而遽摧之也於戲  
喪亂之來必生撥亂之材以擬其後公智略不世出  
天固生之徽宗固不用之高宗雖用之又未免以小  
人間之是則公之吞志以歿宋之偏安於一隅其豈  
天運抑亦有人事焉覽是誥者未可直以為足見一  
代之故事也此誥行於宣和四年壬寅後二百八十  
二年為今洪武六年癸丑公八世孫經重加裝潢且

請其表兄蘇伯衡識公削奪之由並官代之槩以便  
觀者而伯衡輒以夫所素慨者係之實是歲之十月  
二十日也

金華 胡 翰

忠簡公以宣和四年差監鎮江都酒務誥命之下門  
下侍郎王黼首署焉黼於是始拜少師與蔡攸童貫  
圖任國事內小人而外君子宋運方否之時也雒京  
既隔王業偏安於江表百五十年之間人才用舍往  
往如此國之不競誰執其咎哉洪武六年冬翰從公

之八世孫曰經者獲觀是卷遂書以識其後

又 廬陵 解 縉大紳 學士

余少時每讀宗忠簡請高宗還京二十餘疏及公臨薨諭諸將之語未嘗不流涕沾襟也公未薨時招集羣盜聚兵積糧結諸路義兵連燕趙豪傑渡河克復指日可期嚮使公未薨而高宗還汴則公雖死而宋亦可復中原公不死而渡河克復高宗雖去之海上必復還汴然則公之連疏請還駕汴京其詞激切感之以二帝曉之以禍福公殆亦微知其將死歟或者

以憂憤致疽發以死者殆未足以見公之心公是時年已七十矣憂不能忘而何潰之有公之平生忠精明哲服岳飛之善論兵使宗穎之能得士皆賢哲之所尤難嚮使高宗能以穎代公以飛副之公死猶不死惜哉此勅乃公為小人所擯斥時被受時宰又王黼也寶愛至今而賢子孫如經者又時出於人間公之愛君憂國小心忠恪氣象可想見故有以知其憂而無憤也

又 京江 何 黎 雍南 庠士

丹徒宗氏在宋季有忠簡公者生自孝烏石版塘登元祐六年進士宣和元年以言事坐謫潤州家焉仕歷東京留守贈觀文殿學士謚忠簡以通議大夫誥其第屢加至開府儀同三司其歷官行事之實多載宋史斯勅行於建炎丁未今五百餘年子孫猶能藏之明金華宋文憲潛溪眉山蘇學士平仲廬陵解內翰大紳諸先輩嘗為識之至崇禎間公二十世孫廷綸復加裝潢邑大父母張公文光題其卷首無論誥勅難得即宋朱考亭陸忠烈文信國諸名賢墨蹟亦

足珍也康熙癸亥余修志竣祀孫文燦者以學術表著持卷軸過余余起而揖揖而薰沐敬觀神氣凜凜古色照人曾有一有力者挾多金恃險購之而文燦以寒酸堅拒能寶此於五百餘年之後可謂不愧奉忠簡公之俎豆矣畧據所見以識此不惟宗氏先世清白之傳衣冠之盛而前代之典故於是乎在

... 忠武堂世康 ... 卷十一 ...

像贊

吳璘

榮秩恩戎政心存報國丹芳名標汗簡遺與後人看

又

湯陰 岳珂 鎮江軍府守

體貌威肅秉性堅剛歷事三帝德政攸揚志在復國  
敵畏其強卒謚忠簡萬古流芳

又

金谿 吳伯宗 學士

公之力足以旋乾而轉坤公之功足以攘彞而安夏  
始以一言能返北旆而南還後以二十四疏不能回  
南轅而北駕且留鑰之任方切而巧言遽入於帝聰

渡河之志未酬而大星忽殞於中夜何人之於公則知媚嫉而天之於公則不知假借此有志之士百世之下所以想英風而激昂拜遺像而悲咤也

又

餘姚

王守仁

文成公  
新建伯

此宗忠簡公遺像也公在宋謚曰忠可以為忠矣守仁讀史至公傳未嘗不為之扼腕而流涕也嗚呼自古國家之喪亡未有不由於奸臣之嫉能而忌功也使古無嫉能而忌功者則國家豈有亂與亡哉廣右廉訪使朝用先生乃忠簡公苗裔余同

年友也屬余贊其像余悲其見抑於權奸而積憤以死也為之贊

天之義氣偉人受形乃大雷電以赫厥靈宋帝蒙塵惟公純臣百萬義旅一呼響臻回鑿之䟽二十四上積憤而逝風雨震蕩忠肝義胆泰山莫撼堂堂遺像淚襟在覽丹青載見目光如電英姿颯爽怒髮思戰三呼渡河一語無佗千載憤激轉谷盤渦

又

王栢

殿侍御

雙龍遐颺風埃帝邑秉鉞齋壇揮涕戮力天聲外揚

臣奸內抑忠憤莫攄孔明祖述

又

昭易 李長科 小有孝廉

公往成古予在成今今古雖異忠義一心予心匪安  
故謀几楹公神不朽爰垂丹青豈繫惟公有諸先生  
赫赫名相若虞若文赳赳武夫世將吳璘忠烈秀夫  
理學考亭聚公家乘景星卿雲在掌握聞虎嘯龍吟

金沙 周不鑑

見公則悲悲公何益見公則敬敬公何益欲為公徒  
當紹公德長劔倚天奠我皇極仰止丹青古道照色

名賢又

丹陽 湯道衡 平子大中丞

威振華彛功揭天地一代孤忠千載廟祀有像斯存  
凜然生氣寺弔忠簡公祠

嗚呼哀哉元帥公有世一人不易逢堂堂天下想風  
采心如鐵石氣如虹正色立朝不顧死半生長在謫  
籍中真金百煉愈不變流水萬折歸必東落落奇才  
世莫識欲知勁草湏疾風維時中原丁禍亂北塵漲  
天天濛濛衆人畏縮公獨奮毅然來建中興功雄圖  
一定百廢舉獨見南陽起卧龍嗚呼哀哉元帥公

臣奸內抑忠憤莫撫孔明祖述

又

昭易

李長科

公往成古予在成本今古雖異忠義一心予心匪安

故謀几楹公神不朽爰垂丹青豈繁惟公有諸先生

赫赫名相若雲若文赴赴武夫世將吳璘忠烈秀夫

理學考亭聚公家乘景星卿雲在掌握開虎嘯龍吟

稟然至庸

金沙周鑑

淑射華燁也斷天蚩一外無忠亦嫌醜亦宵翁謀於

雷紹文德長飯倚天真我星極仰

吳淵 為查 大中承

名賢詩

古調

滿心寺弔忠簡公祠

僊居

吳東蒂

明可學士

嗚呼哀哉元帥公有世一人不易逢堂堂天下想風

采心如鐵石氣如虹正色立朝不顧死半生長在謫

籍中真金百煉愈不變流水萬折歸必東落落奇才

世莫識欲知勁草湏疾風維時中原丁禍亂北塵漲

天天濛濛眾人畏縮公獨奮毅然來建中興功雄圖

一定百廢舉獨見南陽起卧龍嗚呼哀哉元帥公翮

然遺世何忽忽無乃上天亦乏材故促我公還帝宮  
公還帝宮應有用何忍坐視四海窮嗚呼四海正困  
窮興仆植僵賴有公公昔居東都天下日望公登庸  
公今既云亡天下不知何時康正如濟巨川中流失  
舟航當今士夫豈無人請問誰有公器業誰如公忠  
良公雖不為相德望振要荒公雖非世將威稜龍言豺  
狼偉哉奇節冠今古我試一二聊鋪張靖康明年秋  
北騎正披猖廟堂驚失色愁覩赤白囊公首慨然乞  
奉使欲以口伐定擾攘朝廷是時未知公公之素志

不獲償憂國耿耿思自效再得守土河之旁命下得  
磁州翌日徑束裝下車未三日北騎已及疆北人聞  
公亟退舍疋馬不敢臨城隍頃之得兵數十萬康邸  
賴公王業昌及公領留守北顧寬吾皇恩威兩得所  
春雨兮秋霜餘刃曾不勞微弱成安強姦雄盡膽落  
誰敢亂紀綱嗚呼哀哉公死矣民今有粟安得嘗糲  
糲乘我虛近復陷洛陽洛陽去東都雉堞遙相望不  
聞敢侵犯豈是軍無糧祇畏我公霹靂手氣懾不復  
思南翔嗚呼哀哉公已矣秋高馬肥誰與防天子久



忠正堂詩集 卷十一  
東狩去冬幸維揚都人心戀主謂言何相忘朝夕望  
回輦斷腸還斷腸公獨以死請百請意愈剛嗚呼哀  
哉公死矣萬乘何時歸大梁咄咄肉食人尚踵蔡與  
王姦諛蔽人主痛毒流萬邦人怨天且怒意氣猶洋  
洋所冀我公當軸日盡使此曹膏劍鏑嗚呼哀哉公  
死矣始知國疾在膏肓我公我公經濟才設施曾未  
究所長但留英聲與茂實永與日月爭輝光此死於  
公亦何恨顧我但為天地傷我聞天下哭公者哀痛  
何啻父母喪父母生我而已爾安能保我身無殃都

人此時失所依波逆東下紛蒼黃我公我公不及見  
秋風在處生悲涼百身倘可禱我願先以微軀當靈  
丹如可活我願萬金求其方徬徨竟無起公計安得  
長喙號穹蒼嗚呼哀哉元帥公太平時節君不容及  
至亂離君始用民之無祿天不從嗚呼哀哉元帥公  
古來有生皆有終維公存亡係休戚千年萬口長怨  
恫嗟我草萊一賤士念此抑鬱氣拂胸衿哀忍涕何  
有極願以此詩銘鼎鍾

題誥後

王黼時為少宰  
書名誥上

浦江

宋

濂

景濂  
文憲公

忠武堂世集 卷十一  
青城妖侵連雲楮薶蕩在都龍在野百年藝祖舊河  
山萬騎長驅若冰解京城留守一世豪仰天雪涕風  
蕭騷起扶白日照河北赤手欲障三秋濤義旗戛天  
天為泣四方猛士聞風集自期狗國與天通豈謂忠  
言反難入披肝上疏留至尊乘輿不顧東南巡拊床  
三叫大星落非天棄宋良由人功業無成志可紀古  
來英傑多如此君侯心事漢武侯偉氣英聲冠千祀  
我來已恨生世遲不得親觀忠勇姿每過鄉邑髮猶  
豎綸誥況是當時為卻憶前朝司馬死童蔡羣姦乘

間起國雖未亂政先亡萬里蒙塵從此始吁嗟黼黻  
真奴臣賊君致寇肥其身姓名汙眼尚欲嘔君侯在  
位能無嗔侯虜侯虜慎勿嗔誰使彼奴操國鈞君不  
見汴京禮樂正全盛江南杜宇啼天津

弔忠簡公祠

金沙 周維持 爾調

二帝北轅兮誰傷風木公請迎復江左偏安兮龜茲  
自營公請還京割地乞盟兮舉朝婦人公主用兵趨  
滑走黎陽兮義概奮揚無一騎敢至者公獨勤王朮  
且渡河攻汴兮人情張惶公獨對客圍碁談笑自若

而戒諸將極力保護河梁有臣如此乃不柱石公兮  
而醒熒乎汪黃不謂公智公勇公忠公義而謂公狂  
嗟乎哉彼不狂者烟斷火滅草木共盡而狂者如景  
星卿雲泰山喬嶽千載而下令人低徊仰止至今猶  
有耿光

又

晉陵

吳敬修

丹徒廣文

將軍自視英雄群英雄何足盡將軍古來賢達知有  
幾肉眼悠悠得似君吾悲宋天子如何輕令將軍死  
吾憐岳武穆如何一見將軍服嗚呼奇才何代無山

林縲絆繁有徒驪黃牝牡總歸盡剔燔羈絡空號呼  
吾常夢寐將軍側黑滿大旗天墨墨鐵騎連雲動地  
來四時殺氣陰山北寂寞虛堂廟貌深枕邊猶有過  
河音等閒箕尾將軍去千載萬載傷人心嗚呼千載  
萬載傷人心

高深... 音... 不... 言... 林...

五言古

哭宗留守汝霖

李綱 忠定公右僕射

時危念人傑濟物須材雄尋常齷齪姿詎可收奇功  
英英宗夫子邈與古人同抱器實磊落秉心鬱精忠  
影纓仕州縣山立不妄從青松雖未高已足凌蒿蓬  
涉世多齟齬失官久龍鐘擢居河朔郡烟塵正昏蒙  
今上在藩邸奉使邊庭中力爭不可往高牙建元戎  
王室遂再造廊廟當疇庸同朝共排媚一麾江漢東  
見我論世故慨慷淚霑胸荐之留守鑰付以節制隆

惠政拊疲瘵威聲懾奸宄金湯治城塹櫓樓歛以崇  
出師京洛間屢挫黠鼠鋒邦畿千里寧誇說百歲翁  
抗疏請還闕北伐歸兩宮辭直志鯁亮天子為動容  
奸謖更切齒恨未能閉弓乃因歸勅人感憤殞厥躬  
皇天不怒遺吾道何其窮驂騑竟委頓冀北羣遂空  
梁摧大厦傾誰與扶穹窿安能百身贖坐為四海恫  
人亡國殄瘁天意真懵懵中原氣蕭瑟灑涕臨西風

吳宗留中書

讀忠簡公遺事

義烏

黃

潛

文獻公  
學士

公初起滏陽艱危屬多壘蒼然國家意委身干戈裏  
陰飈卷翠華朔雪被南紀悠悠虞淵日力盡揮不止  
寅恭秉齋鉞際會開朱邸長安付馮翼漢業中興始  
宮庭數汎掃蹕路無荆杞疚心望鑾輿感激涕如水  
上表方出師嗚呼孔明死宴然不可懷肉食母乃鄙  
巨舟竟未焚三語猶在耳蕭然舊祠下碧草垂堦圯  
登堂挹光儀赤舄仍几几千載墮淚碑一夫敢殘毀

傳家有遺書叙事非虛美勗哉慎失墜庶以裨信史

過京口遥弔忠簡公墓


義烏王 忠文公 待制

艤舟大江口矯首京峴山山色近目睫洩雲護層巒  
吾鄉忠簡公丘壟在其間嗚呼靖康亂九鼎紛播遷  
建炎既南狩國事已艱難公方任社稷百戰心力殫  
神州將全璧抗疏請回鑾大誼表日月忠言披膽肝  
誰歟獨何心忍使棄中原星殞孔明死王業遂偏安  
惟留忠誠節宇宙垂不刊遺墳托茲土孰敢樵牧干  
客途有程期無由拜荆菅遺武幸可昭英風杳難攀

天昏白日落淒然灑清潛

弔忠簡公

浦江宋 瀛 潛溪 學士

勢極崇必圯天方獵元元兵甲暴草野大河為塞垣  
猗歟我宗公徃作汴北門蕃彞斜曳戟盜賊望風奔  
老羆尚當道力攫氣欲吞四顧萬騎集中嚴一旗尊  
吳越僻且遐梁宋仍塵完逝迴龍頭憶身屬豹尾韃  
周鼎沒未護魯戈  揮終無萌蘖生就此斷菑孽  
嘻公追古先曠視則窻髮陳言去如遺至理昭若揭  
遠暎神沉竊孤撐植摧機舜韶資搏拊般斧賴剗劓

忠正堂詩集卷十一  
以茲白谷遺而有金鑿謁調琴空緇帷揆賦止鍛版  
征塵恒碣濠教雨淮海淳守懦終勦剛從什類燁發  
漉鹽數泥銜飛檄沼島後幸焉櫛民垢殊莫禪主闕  
平時負膏素晚節老佔畢佳友將米醪野僧獻衣襪  
聃聃耳鶴泉眼瞠目鯨月生為列仙曜立謝豪傑窟  
似予本疎庸為士非詭崛持衡乃藻鑑泛駕略銜屨  
同門溢江海共道耀參伐將令異虬津肯使增獸狨  
於今我多慚固已遭一刖怕結餘舊羶軒騫豈黔突  
將來杳微茫逝老真咄咄宜哉真耀謚稱彼甘棠芴

公徃知我誰翻然採蠺蟻怙悵西北雲從此泛溟渤

拜閱宗公遺誥真像世譜

丹徒 郭麟昭 元亮 庠士

帝子蒙塵日英雄奮迅時過河誠上策南渡欲何為  
衆志歸如母天心不屬伊星晨天畔落雷雨夜來悲  
有檜亦無害非公實莫持狩轅真不返國勢遂東移  
苟緩須臾死誰將矯詔施出師嗟未捷襟淚至今垂  
玉骨埋香塚青標肅配祠歲時親伏臘俎豆潔牲犧  
儼雅圖芳翰宗支燦列眉跋題成白鳳寶護韞金笥  
世守賢孫子瞻依拜曲卮千年常柱石百代仰威儀

二客同我遊披對竟忘疲我亦展卷看悠然有所思

...

...

...

...

...

...

...

...

七言古

拜忠簡公祠

京江楊一清 文襄公大學士

宋家國運當陽九金人南來帝北走臨戎盡瘁賴有  
公收拾中原惟一手堪嗟事半業未成三軍慟哭星  
墜營止為日星下河嶽忠魂耿耿猶平生廟貌衣冠  
至今在譜牒壘書藏不沫靈旗彷彿渡河時白馬猶  
將復燕代臨安宮闕半林臯豺狼聚兮狐狸嗥獨有  
公祠永千古入門稽首豐碑高惟忠義憂國忘家合  
聖賢今日壽丘猶有廟無慚配享泮宮前



二客同我遊披對竟忘疲我亦展卷看悠然有所思  
公師未下古人門翫音豐野高

科野燕外韶安宮闕半林臯榕郊梁台外野舉鬪有  
至今并翫熟塵書藏不未靈態於斬英成却白魚鮓

率營土燕日星不成幾忠賢如如散平生海鏡亦振  
公必命中原對一手斯對事半業未及三軍烟安星

宋家國豈當劫火金入南來帝北去韶女盡率鮑育  
拜忠簡公詩  
京氏 蘇一 齋  
大學士 文集公

小言古

七言律 忠簡公史傳

忠簡公史傳

劉克莊 後村學士

炎紹諸賢慮未精今追遺恨尚難平區區王謝營南  
渡草草江徐議北征往日中丞甘結好暮年都督始  
知兵可憐白髮宗留守力請回輿幸舊京

謁忠簡公祠

丹徒 費 閻 補菴 少宗伯

悅安社稷豈狂顛千里東京一旅肩勢可進圖成再  
造誰期屢疏不西旋拔才共事惟忠義憂國忘家合  
聖賢今日壽丘猶有廟無慚配享泮宮前

又

西楚畢

翰蘧菴  
廣文

感懷風烈動遐思為嘆竒謀未展時涕泗能連千砦  
協過河進取幾人知無窮忠義存章奏不合和親滿  
肚皮獨有將材同志者至今傳世亦相宜  
義兵倡舉壯猷新社稷安危在一身如彼中原遺棄  
地誰知留守有竒人當時但忌非和議後世咸欽重  
主臣今日風濤聲震厲猶疑鉦鼓怒江瀕

又

泰興  
于德成廣文

今昔誰稱不朽林暫哉功業永哉心精忠但信無難

事義憤寧期寂好音一息生存猶烈語百年臣子孰  
安衾肅衣入廟思神楨湧湧河流氣自森

又

虞山  
錢燕喜魯巖

丞相英靈曾不泯祠堂仍寄壽丘峰精忠直欲恢河  
北俎豆唯應傍辟雍代與紀功銘白石人來堦下種  
青松興亡感慨今猶昔江澗何堪起夕烽

又

京江  
盛明代生  
庠士

斷堞寒風颺薜蘿宗公遺像肅鳴珂平生只欲重廻  
蹕至死猶呼三過河廊廡幸分宣聖末朝廷恨值懦

夫多一杯敬酌堦前石寂寂黃鸝喚奈何

拜忠簡公墓

京江談允謙長益庠士

荒墳宿草此山阿留守英靈史不磨治世未嘗掄使  
相危時偏自任干戈平生四拔皆飛將臨死三呼欲  
渡河猶幸陸公居第近幽魂應與往來多

又


京江張九徵湘曉學副

宋代園林秋草邊夕陽遺址尚依然松杉剝落精英  
在父老悲吟諫疏傳彈指已成千古事傷心莫話靖  
康年陸公居第還相望兩地忠魂泣杜鵑

又

建平韋士敏也魯庠士

追憶三呼氣凜然豈知舟壑忽移遷祇悲宋社無東  
主敢冀兒孫守墓田京峴墳頭懸日月旌忠祠外遶  
山川此中應有精靈護俯仰長看地與天



七言截句

讀宗忠簡道諫康王使北

史氏

宋室傾危勢漸離  
康王奚忍棄邦基  
臨岐不是忠貞諫  
預失中原未可知

讀宗忠簡屢狀勸進

史氏

一點丹心立兩朝  
忠言懇懇動天遙  
高宗不惑謀臣計  
從此中原日見牢

史傳後二者


史氏

連呼過河氣便絕  
鑿與未返心中烈  
死當冠冕謁官

詩

忠武堂世身 卷十一  
家匡扶藝祖誅狂孽

千年洒血連霄漢一日孤忠元太行二十餘疏奸相  
抑九原應訴喋汪黃



後裔詩附

臨終憶忠簡公墓

六世 玖 永寶 建平

郎步移家二十霜忠臣之後世應昌可憐京峴山頭  
月魄魄吾猶思故鄉

拜忠簡公墓

十六世 訓 伯昭 建平

王氣猶未泄英風為鬼雄渡河言尚在泣像意何窮  
志雪蒙塵耻天摧取日功峴山碑墮淚不是為羊公

拜忠簡公墓

十七世 臣 子相 興化

丞相瑩前楓樹丹潤州城外送波瀾千秋不盡中原

淚此地真成故國看一自燕雲孤騎入至今龍氣火  
江寒客遊莫聽胡笳起白日青天處處殘

拜忠簡公墓

二十世 發萬歲 常熟

路入松楸峴址村英忠冠履至今存泉臺久閉埋莓  
蕪華表摧傾卧鹿猿霜骨亭亭兩護塚虬根直豎矗亦  
生孫江濤幾陣寒風怒夜夜英雄淚滿襟

吾宗亢嗣豈無人丞相塋前俎豆塵百畝松陰勅塋  
地千章林立護忠身遺弓挂劍今誰侶榭櫛封函幸  
更新謁罷臨風聲謾謾么麼新鬼敢為隣

程指揮家 占塋在上

謝湯大中丞平子重修公墓

前裔

峴山忠烈古松楸勝國於今歲月悠恨逼他塋蹴踏  
久喜隣佳藏鬱葱浮

湯墓 隣近

享堂幾隕箕裘替櫛棹重

新忠義留漫駐河干通禰刺中丞援手誼難酌  
燉煌千里駐星旄盡道雲陽有卧韜東國秉衡沾化  
雨西陲懋績咏投醪闡揚前烈蒐遺壟扶植先忠前  
剝蒿伏鉞聲靈呵護永忠魂千載妥江臯

謁忠簡公壽丘山舊祠

前裔

壽丘崇祀載宗盟舊典新祠未落成回蹕廿疏紙上

碧渡河三語空中驚天津啼血生前恨京口聽濤葬  
后翼展拜之餘還太息沒堦深草正秋清

雲齋張父母友人李小有重建忠簡公祠落成

東謝

前裔

松筠古誼舊為盟感荷重新祠宇成英烈有知靈倍  
繹封函無恙魄安驚元裳委佩儀司詔天語垂章呵  
護靈遺表載言昭日月還憑義士奠高甍

壽丘舊祠掘出忠簡公墓碑志喜

前裔

穿碑自音瘞荒塚生氣常同海嶽存清嘯欲來曾伴

鶴忠魂至止莫啼猿褒忠太守難逢再

劉公修墓清復墓田義

憤英靈從此欣新碣重摩猶護惜肯教古字襟莓痕

拜忠簡公墓次伯昭公韻

二十世芳漢臣建平

回鑿師未捷洒淚吊英雄半壁身雖死千秋義不窮

峴山留正氣翼廟薦遺功天壤惟宣聖春秋配我公

忠簡公墓祠秋祀

廿一世書義六興化

何處相尋丞相祠峴山松柏望參差百年俎豆開生  
面四代衣冠永孝思地脉有靈培正氣嵐光無恙負  
佳時迢迢目斷江南路禾黍西風可勝悲

拜忠簡公墓

廿一世 景玉 建平

半壁河山志未酬 台星一夕隕荒丘 幽宮今古緣江

岸秋月春雲片片愁

鐵甕城邊高塚開 三呼從此負雄才 一腔熱血何曾

冷 日夜陰風捲浪來

拜忠簡公墓

廿二世 漪 文淵 建平

寂寞荒烟下 忠公墓在楸中 興嗟未復半世嘆 徒勞

崖草殘鋒血山花冷 戰袍英靈知不泯 義憤怒注臯

其二

肅整衣冠拜英風 謾謾生一心 期返蹕二豎獨相撐

烈骨歸巖壑 忠言炳日星 不堪追往事 感慨有餘情

御書匾額賜忠簡公祠

廿二世 玉樹 庭秀 建平

千載忠忱感 至尊欽承 宸翰拜殊恩 輝騰棟宇

光前烈瑞耀 冠裳裕後昆 隱恨當年星遽隕 羣誇此

日義常存從今京峴 蒼烟裏免向殘碑淚共吞

忠簡公集成梓

前裔

文章片帙共欵欵 梨棗重新搜購餘 實為君臣留大

義非關奕葉守遺書 精忠落紙堆心血 孤憤開函散




野虛遙憶疾呼三速渡淚痕襟滿問誰如

文章自好共嫌地集重滯與翻細實為

忠節公集效林

前奇



南望水城野英風野野主一心開野野二

